

particula, de facie Lunæ, per illud nobis offertur, adeò ut tantum partem Lunæ, & Maculas ejus isthac ratione considerare detur. Tum verò à certo quodam puncto, initium capitur, deinde partes circumvicinæ, imaginatione probè comprehensæ, in chartam huic rei destinatam, confestim referuntur, sicq; ordine, reliqua puncta, Sinus, Montes, Vallesq; in debitâ distantia, & proportione depinges, donec omnia & singula, Lunæ superficiei inhærentia, perlustrentur, observentur, typoq; mandentur.

Videantur autem hæc, cum ita dicuntur minimè gravia; sunt tamen certò certius, de quo non est, quod quispiam dubitet, profectò longè difficillima, ita ut revera hîc dici possit, *Hic labor hoc opus!* Potest equidem id nemo homo intelligere, quantus ad eam rem labor, & diligentia qualis requiratur, nisi quis suismet oculis manibusq; experimentum fecerit, vel unius tantum phaseos, nullo adhibito alicujus prævii exempli adminiculo: cum opera hæc, non imaginationem tantum multò fortissimam, ut & memoriam pertinacem, sed & Patientiam singularem, animumq; observationum amore ardentissimum, sibi deposcat. Imaginationem & impressionem, hanc quidem ob causam, ut illa semel oculis perspecta, menti firmiter inhæreant, usq; dum singula adumbrata fuerint. Quamvis ad hoc efficiendum, brevissimum duntaxat temporis spatium, sit necessarium; nihilo tamen minùs, hîc ea nobis obveniunt, quæ obtingere solent iis, qui in speculo sive suam sive aliarum rerum faciem contemplantur. Dum enim speculo oculis immorantur, videntur sibi, se omnia accuratè esse complexos, quam oculis à speculo remotis, vix leviter & ruditer in animo versari imagines visas, sentiunt. Hoc certè pariter accidit, circa observationes Iconismorum Lunarium. Quam diu Lunam Tubospicillo intuemur, planè sic existimamus, nos omnia longè accuratissimè & exquisitissimè, quæ videmus, lineis expressuros: verùm in ipso eodem momenti articulo, cum faciem delineamus, & ad picturam nos accingimus, pleraque ne dicam cuncta memoriâ excidisse, nimis quàm manifestè experimur. Neesse itaq; ut quodlibet punctulum decies vel vi-

*Phaseos Lunares correctè delineare, est opus difficillimum.*



cies de novo aspiciatur, priusquam verè proprius situs alicujus Maculæ, figura atque forma, rectè & accuratè in chartam referri possit. Denique cum confidimus, omnia esse debitè observata, nihilominus in secundâ & tertiâ observatione vel falsa, vel non plenè nos comprehendisse, & nonnihil specie esse delusos, intelligimus.

*Qualis esse  
debeat Pha-  
sium Luna-  
rium obser-  
vator,*

Ex quibus insuper per se fluit, Selenographicam hanc occupationem exigere non solùm quidem & diligentem, & patientem, laborem nihil reformidantem, validâ imaginatione polentem observatorem, de quo rectè sic Poëtæ verbis immutatis cecineris :

*Qui studet ætheream hanc visu contingere metam,  
Multa tulit fecitq; vir, is vigilavit & alsi;*

*Cur non alte-  
rius operâ in  
his observa-  
tionibus uti  
possimus?*

sed & hominem cum delineandi, tum pingendi non vulgari-ter peritum; ita si absq; alterutro horum sit observator, penè actum sit de ejus observatione, & ipse parùm eximii effectum dederit. Namque ut velit aliquis, operâ pictoriâ cujusdam excellentis vicariâ uti, cui dictitet, quæ sibi in corpore Lunari spectanda obviam veniunt, non carebit id multis difficultatibus. Primò namq; vix cogitationes & impressiones proprias, eò usque retinere valemus, quò omnia & singula delineando in tabulam fuerint relata: ut taceam dum pictori omnia inculcantur, multa posse è memoriâ elabi, nec satis fideliter tradi. Præterea vix quisquam alius præconcepta nostra visa assequetur, quantumvis licet ea multis verbis depingere conati fuerimus. Adde, si observator animadvertat pictoris penicillum aberrasse, nec rem dictam bene expressisse, etsi à tædio & fermento procul fuerit, qui ipse, artis pictoriæ rudis, modum rationemque indicabit errata emendandi, aut meliora reponendi? Iam quantam ipsam pictoris attentionem, industriam, & tolerantiam esse oporteat, cogites. Iuratò etiam assevero, ab exercitatissimo & doctissimo pictore primâ vice nullam phasin debitè repræsentatum iri: sed alterâ etiam vice retractandum erit opus, fortean etiam decies ad unguem castigandum. Sic, quod quivis me tacente, intelligit, lente omnia valde procedent. Constat verò etiam quamlibet phasin nonnisi semel

menſe



menſe quolibet, adeoꝛue duodecies, ſingulis annis apparere : quarum una alteraꝛue non ſemel adhuc ſuo quoꝛue tempore conſpicitur, cùm Cœlum ſcilicet eſt nebulolum. Itaꝛue ſingulis noctibus eſt vigilandum, & ſerenâ nullâ quieſcendum : cùm unicâ neglectâ, phaſis non animadverſa, vix ac ne vix quidem aliquando intra anni unius, aut plurium ſpatium, ſe conſpiciendam iterum det. Numquid igitur pictor cum obſervatore æquè pernox erit, aut nonne potiùs ſomniculoſus aliquando ad opus vocabitur, dummodo adhuc in promptu & prociuctu ſit, qui ideo ferè alendus erit iis in ædibus, in quibus obſervator aſtris intentus excubat ? Considera verò, quàm multa hæc ſint, & pictori & multò maximè obſervatori ſexcentas moleſtias allatura. Et ſi pictoris emenda eſt opera, quanti ſumtus in aliquot annos eò ſufficientes exigentur ? Si verò ætherei ingenii Vir aliquis & induſtrius Aſtronomiæ cultor ipſe noverit non oculis tantùm ſuis uti, ſed & manibus, ut, quæ illis vidit, his in tabulâ exprimat, præ animi ardore nobili, nihil ſentit moleſtiarum, & omnia peragit alacriter, animo ſuo non minùs quàm oculis ſatisfaciens, dum aſtra, quæ DEI manus finxit omnipotentis, ille manu ſuâ lætus pingit. Eſt igitur hoc opus nonniſi ab obſervatore, qui ſimul delineator ſit, ſuſcipiendum, aut res vel omnino infecta erit, vel ægerrimè confiet.

Redeo ad meas, nimirum de quibus ſuprà dicere cœpi, obſervationes, quibus de tamen earumꝛue progreſſu pauca tantummodo commemorare pergam. Cùm igitur initio, Plenilunium obſervare, & adumbrare inciperem, mox animadverti, res permultas, miramꝛue & incredibilem Macularum varietatem eſſe notandam, unde proſectò non modò vix leviter ſum perterrefactus; ſed & penè de totius operis mei ſucceſſu deſperafſem; eò præſertim, quòd omnia tantùm ſecundùm oculorum meſuram, iudiciumꝛue eſſent depingenda, & rerum inſuper tanta ſe offerret copia, ut quò me verterem, nescirem, ſive à quâ Maculâ incipiendum eſſet, ſive in quâ deſinendum; accedente hoc, quòd monſtra iſthæc mihi eſſent prorfus peregrina, & hætenus incognita : inprimis, cùm nullæ omnino quomodocunꝛue delineatæ phaſeos eſſem particeps, quæ quaſi

*Singulis noctibus obſervationibus Luna invigilare oportet.*

*In principio Autor de ſeliciori obſervationũ progreſſu, admodum dubitavit.*



viam mihi, ad proportionem majorum duntaxat Macularum sterneret. Namque ut verum fatear, tam in periculorum meorum ingressu, quam extremo conatu, ne unicam quidem imaginis Lunaris adumbrationem unquam vidi, nedum possedi, exceptis tamen illis, quarum jam memini, Galilæum scilicet Longomontanum & Hirschgarterum autores habentium. Et ut hujus Hirschgarteri reliquis videbatur emendatior: multò magis tamen eâ sum seductus, quam promotus: quod me impostero, non minori cum detrimento quam fastidio docuit, usus atque experientia. Vtinam schema illud Lunare, priusquam phasibus meis omnibus supremam addidissim manum, à Præstantissimo Viro, eodemque amico meo plurimum observando Petro Gassendo accipere mihi feliciter contigisset! multum profectò inde ad me commodi redundasset, imò laboribus haud exiguis (ne dicam de temporis lucro) superfedere potuissem.

*Genuinam  
Macularum  
proportionem  
delineare,  
hoc artis est.*

Etenim, initiò maxima se se offerebat difficultas, in vero situ & nativâ proportione, majorum Macularum, locorumque insigniorum, præ aliis in Lunâ emicantium, delineandis; cum eo tempore, nulla alia media in promptu essent, quibus isthac dignoscere daretur, sed sola oculi omnia dimetientis judicio standum esset (quamvis postmodum longè præclarissima adminicula quædam atque compendia (ut suo loco dicetur atque tempore) adinvenerim, quorum ope admodum sanè accuratè animadvertendorum proportio constitui possit. Et sic tum primò omnium qualitercunque delineatum est Plenilunium. Postea autem valde bene animadverti, nonnisi impossibile esse, ut unâ observationis institutæ vice, correctæ & omnibus numeris absoluta aliqua repræsentetur alicujus Plenilunii figura: quin quòd potius necesse sit, ut observationes hæ aliquoties repetantur, quo antecedentes per subsequentes reformari, corrigi, in melioremque formam redigi possint: siquidem isthac ratione, de die in diem, observator fit exercitator, semper plura animadvertere & detegere valet. Verum enimvero, cum iterum atque iterum, ob turbidum nimis aërem (qualis his Regionibus esse solet nimis quam frequenter, cum dies sunt admodum



modum multi, imò tempore Autumnali, Brumali, & Vernali, menses quidam integri valde nebulosi) Plenilunium sui conspectum negabat, non modicum inde temporis effluebat spatium, priusquam alium Lunæ Plenæ iconismum delineare poteram. His accessit, quòd circa quodlibet Plenilunium, haud exigua differentia & dissimilitudo, ratione antecedentium nunquam non deprehendebatur, cujus rei unicam esse causam initiò rebar, quòd fortassis in delineatis prioribus iconismis indiligentior fuisssem, quàm decuerat. Itaque delineationes priores semper correxi, & licet quàm diligentissimè calamo jam essent depictæ, penitus rejeci, aliasque confeci: nunquam enim mihi persuasissem, aliud hic quidpiam latere, & à motu librationis certo, qui eò non fuit primò animadversus, quòd veterum Philosophorum nullus aliud unquam statuerit, quàm Lunam perpetuò unam eandemque nobis obvertere faciem (quod deinceps demum est compertum) pendere omnia.

Cùm autem tandem aliquando principis istius, quæ circa Lunam vel maximè observari meretur, vicissitudinis abundè satis essem factus certior, cœpi id mente & cogitatione agitare, quomodo res hæc tam summè necessaria investiganda; hoc est, termini librationis, ejusque periodi ecquì essent deprehendendæ: ad quod studium (fateor) singulari quâdam cupiditate, desiderio, impetuque animi me ferri, sensi, idque eò multò magis, quia hæc omnia nunquam antea explorata, nedum determinata fuère. Principiò autem sic conjectabam, impossibile fore, per sola Plenilunia (quorum minima pars, in anno, conspicua esset) nisi quamplurimorum annorum serie devolutâ, hoc negotii confectum dare. Itaque planè decrevi, omnes & singulas Lunæ phases, uti accuratè contemplari, ita quàm exquisitissimè, quantum quidem in me foret, non minùs utique quàm ipsummet Plenilunium delineare ac depingere, quò videlicet penitus simul cognoscerem, diversas omnium phasium variationes, tamque Macularum quantitates, quàm confinia lucis & umbræ concernentes: spe indubiâ fretus, quin ita se mihi offerret occasio, maximumque & optimum medium, mul-

*Motum Librationis Lunæ autor explorandum statuit.*



ta quæ hæcenus circa Lunæ Phænomena nos fugerunt, explorandi atque detegendi; quæ sanè profectò spes me nihil fefellit.

Diametrum autem phasium Lunæ delineandarum, non majorem quatuor circiter digitis Rhyndandicis, assumere cogitabam, ne nimium laboris, inde mihi crearetur, qui eò major foret, quò figurarum forma, esset amplior, ut facilè est conjectare: sed deprehendens autem, in tam exiguâ formâ, omnia & singula, depingi haud posse, ideoque ampliorem diametrum ad delineandas phases elegi, quæ se in proportione habet ad pedem Rhyndandicum Fortificatorium, seu Romanum Antiquum, ut 628. ad 1200. sive ad Parisiensem Regium, ut 628. ad 1266. sive, ad Gedanensem, ut 628. ad 1096 $\frac{1}{2}$ . Neque est quòd mireris Benevole Lector, si, proportionem hanc examinaturus, omnes figuras seu illarum diametros, paulò minores deprehenderis: scias enim, papyrum, cum ad imprimendum humectatur, se, propter humiditatem, dilatari, postmodumque quando siccescit, se se iterum constringere, & quidem non semper in proportione æquali, sive quâ longitudinem, sive quâ latitudinem; cum unius generis papyrus, majori dilatationi, & compressioni sit obnoxia, quàm alterius generis. Nostra quidem papyrus, in quâ figuræ æneæ sunt excusæ, decem particulis in latum, ratione pedis Rhyndandici, in longum verò, tantummodo sex part. est constricta; quòd plerumque omnis generis papyro accidit, ut magis in latum, quàm longum coeat. Hinc igitur omnes figuræ, quæ in ipsis laminis æreis, exquisitissimè sunt rotundæ, ratione impressionis fiunt figuræ ovalis; secundum quam proportionem, omnes res aliæ, quæ circulo comprehenduntur, figuram impetrant. Optandum equidem esset, ut aliter se se res haberet; verum cum variatio ista sit perquam exigua, ac parùm observabilis, vix quicquam detrimenti affert. Cæterum, si figuræ nostræ alterâ adhæc vice, à quopiam adumbrari æri que incidi deberent, certè multum corrumperentur; eò quòd simplex illud vitium antecedens, ex constrictione ortum, duplicaretur: adeò ut proportio Macularum & distantiarum prorsus perturbaretur, vitiosaque redde-

*Diametrum phasium, quanta magnitudinis Autor assumpserit.*

*Papyrus humectata, se se dilatat, & siccata se se constringit.*

*Ratione constrictio- nis papyri, phasium forma rotunda existit ovalis.*



redderetur : licet enim, extremus Lunę Limbus iterum rotundus duci posset, non sequitur inde tamen, & eo comprehensa, in debitam formam esse redacta. Quæ propterea refero, ne quis forsitan putet, in delineatione, ab observatore, errorem esse commissum, sed quòd semper hoc vitium, si tamen ita appellari meretur, ex naturâ papyri proficiscatur.

Verùm, mittamus jam hæc, ad observationes Phasium revertamur. Vt antè memini, observationes non solum Pleniluniorum, sed & Phasium reliquarum, singulis diebus existentium instituebam; quæ cum tempore, etiam feliciter sunt ad finem perductæ. Eram quidem in eâ opinione, hoc opus tribus vel summùm, quatuor mensibus, absolvi posse; spes verò longè me fefellit: tot enim circiter annos impendere oportuit.

Quandoquidem primùm noctes aliquot nubilosæ, & minùs serenæ fuerunt in causâ, quò minùs quamplurimæ, imò maxima pars phasium, haud observari potuerit; sic, ut in prioribus tribus, vel quatuor mensibus, certè paucissimas delineaverim. Postmodum, cum jam non paucas collectas haberem phases, easque singulis ordine succedentibus mensibus, examini subijcerem, iterum atque iterum deprehendebam, hinc inde aliquid esse omissum, quod necessariò correctione egeret. Quia verò rarò omni ex parte, sibi similis occurrebat phasium facies, sed multò magis magna varietas, atque mira vicissitudo se objiceret aspectui : ea me ferè, sicut & ipsa Plenilunia, perturbatum reddebant. Nam etsi probè animadverterem, hæc omnia, ex motu illo novo Libratorio oriri; nihilominus non confestim innotuit, unde, quomodo, & quo tempore, Luna, modò in antecedentia, modò in consequentia signorum, tum à parte superiori, hoc est à Septentrione in Austrum, tum ab Austro in Boream moveretur? causa erat, quòd propter cælum nebulis frequentissimè obvelatum, Lunam debitè observare non liceret : quamvis una vel altera phasis esset jam adumbrata, mox tamen evenit, ut non rarò alio tempore essent inconspicuæ : ita ut, priusquam alia rediret Lunatio, ex motu illo phases essent mutatæ : & ideo non est concessum, tam subito menstruam, vel annuam aliquam Lunæ variationem con-



continuum, ob interruptam earum seriem, ac præsertim corniculatis multum negotii mihi faceffentibus, deprehendere. Quo impulsus sum, ut item & has phases quomodocunq; delineatas (etsi operæ in earum primâ elaboratione nullatenus peperci) partim magis magisque indies corrigerem, partim omnino rejicerem, aliis earum in locum substitutis: sic ut omnium numerus alio atque alio tempore delineatarum figurarum centesimum excederet: quod nisi fecissem, nec quicquam profectò correcti & certi (quod proportionem distantiamque tam majorum quam minorum Macularum, ut & ipsummet Plenilunium attinet) consecutus fuisset.

*Delineatio  
Phasium Generalis, ad  
observationes perquam  
est necessaria*

Mediantibus autem tam crebris istis, ac planè etiam continuis observationibus uti reliquas, ita imprimis duas primarias, sive generales figuras Pleniluniorum multo felicissimè perficere obtigit. Prima videlicet, ut phasibus, Lunationibus, aliisque observationibus, altera ut Pleniluniis & Eclipsibus imposteriorum inserviret. In his prædictis primariis delineationibus quas capite 44. figurâ T exhibebo, vera proportio, & distantia Macularum omnium, in Lunâ aspectabilium, accuratissimè & diligentissimè est observata, nudisque solummodo lineis, non attentâ umbrâ, est constructa. Quod certè, nî fallor, egregium est inventum, maximumque compendium, ad Plenilunia, & phases quasvis delineandas, examinandas atque corrigendas; quod reipsa etiam comperi: nisi enim tales excogitassetem figuras, multo plus adhuc temporis, in hoc opus insumere, laboremque longè majorem suscipere necesse fuisset. Cæterum cum primariæ hæ figuræ ita essent constructæ, è vestigio phases reliquas expensum correctumque ivi, & quæ non ferebant omne punctum, penitus profligavi, aliis, ut supra dictum, semper tentatis.

*Observatio  
& delineatio  
quomodo sit  
institueda?*

Ut autem cuilibet item Astrophilo, unam atque alteram phasin, si velit, sibimet depingere liceat; idcirco hoc loco simul indicare nullus gravabor, quomodo ipse ego id operis aggressus fuerim. Primò, Primariam Phasium delineationem, habui in promptu, non quidem illam laminæ æreæ impressam, quæ cap. 44. adjuncta habetur (hæc enim propter papyri dilatatio-



latationem & coarctationem, minùs est idonea) sed similem quandam, calamo accuratissimè depictam, secundumq; hanc, plumbagine descripsi, & hac quidem compendiori viâ: lineam circularem circino duxi, æqualem lineæ circulari, delineationis primariæ; cui delineandam figurâ vacuum chartam imposui, centraque acu infixam firmavi, ut & universa charta aciculis fuit fibulata, ne ullâ parte dimoveretur. Postea duas istas sic connexas, vitro cuidam benè polito imposui, luminiq; Solis vel candelæ obverti, quo factò omnia distinctè & excellenter, ad faciem inferiorem galenæ ductu, depingi poterant. Quâ accuratè delineatâ figurâ, ad observationes instituendas sum usus, cujus scilicet beneficio, situs, proportio, distantia, & formæ Macularum, jam erant expressæ, ita ut primùm confinium lucis & umbræ, ducere tantùm esset necesse, quod facillè ex Maculis ipsis factu erat; secundoq; colores Macularum, solummodo attendere opus esset, & quid circa illas addendum corrigendumque foret. Deinde verò, cùm observatio ejuscemodi secundùm ipsam Lunæ faciem fuit adumbrata, hanc iterum, eâdem prorsus ratione modò significatâ, in aliam transderivavi chartam, quò videlicet phasis jam observata accuratius denuò calami ope depingeretur: quem planè modum circa observationes phasesque quascunq; semper impostero frequentavi. Qui quantusque fuerit labor, cùm non solum singulis noctibus invigilatum est observationibus, horæq; aliquot illis impertitæ; sed & tam diversæ, & tantùm non innumerabiles phases, aliquot centenæ profectò fuere, manu penâque sunt ita accuratè delineatæ, ut excusis nihil cederent, judicandum omnibus relinquo; præsertim cùm phasium quædam quinque, sex vel septem horarum spatium requirerent. Sic experienciâ edoctus, facillè hoc do Christophoro Scheinero, qui in Rosâ Vrsinâ commemorat incredibilem se molestiam superasse in observationibus suis Solaribus adornandis. Verùm enimvero, ut opera illa Scheineri & valde difficilis & molesta fuerit: attamen in comparatione ad Selenographicam nostram, nihil vereor eam fuisse & tolerabiliorem & faciliorem: quandoquidem decem, vel plures etiam periodos Ma-

*Ingens labor  
phases deli-  
neare corre-  
ctas.*



*Autor, uti  
phases ipse  
met delineavit,  
ita omnes  
& singulas  
suâ quoq; ma-  
nu ari in-  
cidit.*

cularum Solarium notare, inq; ordinem redigere malo, quàm unicam solummodo phasin Lunarem describere: attento, quòd quælibet observatio Macularum Solarium, in primâ statim delineatione, debitam suam constitutionem & proportionem acquirat; illæ verò Lunares, innumeris vicibus, singulisque continuè mensibus delineandæ, examinandæ, corrigendæ, & novæ multò frequentissimè exædificandæ sint. Ut taceam maximum istum laborem, cum omnes & singulas phases, reliquasque figuras, & observationes omnes (exceptis tantum quatuor vel quinque) meâ manu incidi, idque non aquâ fortius, sed cælo: quâ gratiâ quid temporis, & patientiæ, ac virium corporis, & maximè oculorum exhaustum fuerit, non dicam, ne videar (qui minimè esse velim) gloriosus rerum mearum jactator: sed artificii ejusmodi peritis explicandum committo. Utcunq; autem initio optassem, Sculptorem mihi quendam exercitatissimum, & experientissimum, ad hoc opus suscipiendum, ad manus fuisse, quò operatione istâ mechanicâ subsedere potuissem: attamen eam tantò minùs defugere volui, quanto magis non tantùm à consciis mei instituti, & rerum Astronomicarum scientissimis Viris sum commonefactus, ne cælatori ulli, phases à me observatas æri insculpendas facilè committerem; etiamsi enim arte suâ multum valeret, tamen vix ac ne vix quidem oculorum mentisque meæ conceptum sibi à me verbis descriptum, aut lineis præductum, intelligere; ne dicam manu assequi posset, ex quo fieret, ut in adumbratione modò ita, modò aliter prævaricaretur, aut proportionem negligeret, aut aliud quicquam committeret, quod eliminare aut in ordinem redigere non liceret commodè; addebant & hoc, neminem iis rebus magis intentè incubiturum, quàm me, earum autorem promotoremque, cui maximè sint cordi curæque. Insuper & ipse colligere potui, à nullo mihi facilè satisfactum iri, cui hæc (absit dicto jactantia) essent cognitissima, & figuræ ex oculorum mentisque apprehensione transferendæ, ex plurimis ipsius Lunæ contemplationibus, & observationibus familiarissima.

Partim igitur sic persuasus, partim meâ sponte ductus & com-



commotus decrevi tandem, omnes & singulas phases, uti in hoc libro conspiciuntur, meâ manu sculpere; quamvis non diffitear, si operis limine prævidissem, hoc oneris mihi soli portandum esse, nec facilè potuissem admittere manum sociam, aut penitus abstinuissem factò, aut majori cum horrore, me ad id accinxissem. Cælatura profectò tantò mihi ferè constitit sudore, quanto contemplatio Sideralis. Quid? quod & mihi uni tanto labore confecta potuissem privatim recondita servare. Sed instinctus quidam atq; consideratio tanti negotii aliò me pertraxit: dum mihi persuadeo hac Lunæ historiôlâ cum orbe communicatâ, Philosophiam universalem (attestante summo illo & ingeniosissimo Heroë Francisco de Verulamio, qui suam in Novo scientiarum organo sententiam eo de egregiè proditum ivit) sive ex toto, sive ex parte, quâ Lunæ Cœliq; doctrinam, eximiè auctum exornatumq; iri: ut & non infrequens aut vulgaris fuit quamplurimorum & doctrinâ, & auctoritate multùm apud me valentium hortatus & stimulus, ut ad Astronomiæ majus emolumentum, multorumq; oblectamentum, cum observationibus meis figurisq; non nollem in publicum prodire. Iacta igitur esto alea & (licet aliis satis sim distentus negotiis tam publicis quàm privatis) ostensum dabo, quomodo, pro tenuitate meâ, Lunæ Cœliq; universi spectatoribus admiratoribusq; inservire sim paratissimus. Namq; & illud diligenter animo reputavi meò, homines esse omnes obstrictos, talentum suum (ut parabolâ Salvatoris cœlestis Magistri docemur) quod DEVS sine certo concessit, apud alios, & præsentem posteramq; ætatem elocare: imprimis istas quod res concernit, quibus animi ad contemplationem admirandorum DEI operum magis magisque elevantur, atq; incitantur, creatoremq; harum rerum plus plusq; ad laudandum, celebrandum, adorandumq; ansa datur.

Sed, ut illuc unde abii, iterum redeam; scias me delineatione harum 40. Phasium, & facierum Lunæ, pariterq; earum sculpturâ, talem elegerisse adumbrandi & obumbrandi modum, quò omnes multò diversissimos colores, in Lunâ conspicuos, tum quatenus à Paludibus, Aquis, tum quatenus à diversæ alti-



itudinis Montibus oriuntur, sufficienter exprimere, singulaque bene imitari possem. Quocirca Maculas majores, aquarum speciem referentes, duplicibus lineis transversis umbrosis, æri incidi; Montes & Valles lineis circumdedi; cacumina & vertices Montium, circulis sunt comprehensi, eo videlicet fine, ut melius exprimerentur & luminosius. Minore quidem labore hæc omnia, & absque lineis circumcirca ductis, tantumque simplicibus lineis umbrosis, delinearipotuisent; sed, ut dixi, hac viâ accuratius, diligentiusque omnibus Astronomiæ cultoribus universa atque singula repræsentari posse videbatur; atque ideo eâ in sententiâ perstiti.

Ne autem quispiam sibi imaginetur, me viâ alterâ id exequi haud potuisse, en tibi Plenilunium nudis duntaxat lineis æri incisum, cujus generis alia majora, jam jam sequentur, ut aspectu jucundissima, ita accuratatione vix destituta; de quibus paulò etiam post dicetur uberius.

*Licet primâ fronte Phases vacillare cuiuspiam videantur, non tamen confessim Autor indiligentia accusandus; sed necesse est, ut omnia prius probe examinentur.*

*Est levius dicere quam facere, laudabilia carpere, quam laude digna patrare.*

Quod verò in Iconismis, vallis ad vallem, non eandem servet proportionem, æqualemque rotunditatis figuram præ se ferat, aut similiter adumbrata, vel simili umbrâ depicta, non casu evenit, sed summâ, crede, diligentia atque curâ, secundum nativam scilicet Lunæ faciem, cuncta sic sunt effigiata. Quare autem quædam Valles, jam se se dilatate, jam se se contracte, idque ratione umbræ: jamque obscuriores, jam clariores, videantur? Deinde, cur Maculæ majores non perpetuò unam eandemque speciem, tum quoad figuram, tum quoad colorem retineant, opportuniori loco expediam. Ausim sponsonem facere, qui primo accessu adspiciat, omnes Maculas, in nostris Phasium figuris, non similiter esse descriptas, id incuriæ & indiligentiæ observatoris atque Sculptoris adscribat; sed qui ita cogitat certè præcipitat se præcoci judicio suo; legat enim prius quid hac de re & dictum nobis est, & dicetur impostertum; tum fas erit, non modò hæc nostra carpere, sed & Tubum Cœlumque in manus capere, & periculum facere, num utrumque melius tractare, & oculis accuratiora observare, manuque rectiora exprimere nobisq; impertire possit. Fortean autem plures surgent, quibus hæc nostra non placeant, nec al-

labora-



PLANIVM

Circa Nonagesimum,  
Observatum.

GEDANI.




fig. 0.

Autor. Sculpit.



Alphabeticum est liber in quo  
omnes littere alphabeti  
cum suis nominibus et  
significationibus  
describuntur. Hic liber  
quidam habent  
tamquam  
liber  
non



Alphabeticum  
est liber  
in quo  
omnes  
littere  
alphabeti  
cum  
suis  
nominibus  
et  
significationibus  
describuntur.



laboraturos tamen, ut nobis magis placere possint, periculis & operibus suis editis correctioribus. Nam & largior præstantiora meis nunc dari posse; postquam per avia hæc penetravi, salubris multis superatis, & viam stravi commodiorem. Ego phasibus sum destitutus olim: à nobis has habebit, qui nos superare voluerit.

Partem quod attinet obscuram & umbrosam, tam Lunæ crescentis, quàm decrescentis faciem, cur non penitus nigram exhibuerim? ratio est, quòd ejusmodi lineæ nigriores, illa clarè illuminata puncta, planè absorberent, & suffocarent, quò minùs distinctè & accuratè viderentur: idcirco datâ operâ, totum illud spatium, quod Solis radiis non exponitur, nullis lineis adumbravi, ne quicquam turbare possit. Exiguæ quidem illæ magnitudinis punctula, semicirculi seu semilunulæ, extra terminum illustratæ partis, conspicua, sunt, uti jam supra diximus, juga verticesque Montium; qui cum alteriores sint cæteris partibus, eò citiùs à Solis radiis illuminantur: Sinus verò, & loca illa anfractuosa, quæ sparsim in partem Lunæ clariorem, se se extendunt, etiamsi sunt prorsus alba in his nostris phasibus relicta; nihilominus revera sunt nigra, luminisq; penitus expertia, ad partemque exteram minùs illustratam pertinentia, uti facile colligitur: hæc ideò submoneo, ne quisquam forsitan contrarium sibi fingat.

Et hæcenus de observationibus Phasium Lunæ in genere diximus, sequitur, ut in specie quædam de Maculis, & earum proprietatibus, motuque librationis ipso, pro ut hoc ordine facere constitui, porrò persequamur. Atque eâ gratiâ in ipso statim aditu, Astrosophis, quoddam in formâ ampliori, rectè proportionatum, proprièque coloratum & Ichnographicè delineatum Plenilunium sistam, ut hac mediante figurâ, faciliùs & feliciùs, ideam quandam initiò concipere, conceptumque sufficientem de Lunâ comparare sibi possint, ad res sequentes promtiùs assequendas, atque intelligendas. Circa quod Plenilunium hoc tamen priùs monendum duco, quòd loca illa omnia planè alba, sive lineis subtilissimis colorata, Montes, Valles, aut Planities sint; quæ, quemadmodum capite præcedenti sexto,

*Loca Lunæ  
clariora, Valles  
sunt.*



ex parte demonstratum, & imposteriorum etiam suo tempore pluribus demonstrabitur, ibidem omnino sunt; loca verò illa, quæ lineis nigricantioribus æqualiter vides adumbrata, majorum Marium, Paludum, Lacuumq; Lunarium speciem referunt. Reliqua autem, quæ de his porrò dici debent; necessariò profectò differenda, quoad cunctis Lunæ quasi partibus, Maribus scilicet Sinubus, Insulis, Continentibus, Chersonesibus, Promontoriis, Lacubus, Paludibus, Montibus & Vallibus sua priùs nomina fuerint inposita, quibus distinguantur; quò in descriptione rerum tam variarum, jam jam consecuturâ, omnia distinctiùs explicari non nequeant. Quæ ratio etiam satis videtur prægnans, cur loca hæc universa peculiaribus suis nominibus appellare voluimus, & debuimus, quam præter tamen adhuc alia est in promptu.

*Quare Macula lunares nominibus fuerint donata?*

Namque ex superioribus jam constat, nos eo quoque observationibus his nostris in lucem protractis, & cum primis Lunæ plenæ facie sub aspectum omnium posita, collineare atq; tendere, quò nimirum quælibet cunq; observationes tam Eclipsium Lunarium, quàm omnes aliæ ad Lunam spectantes (quarum rei literariæ causâ multùm sanè interest) accuratiùs, expeditiusque imposteriorum, quàm hæctenus, institui, perficiq; ab omnibus Astronomiæ cultoribus possint. Quæ itaque observationes, si in emolumentum incrementumque non Astronomiæ minùs, quàm Geographiæ, vergere debent, utiq; prorsus est necesse, ut passim à multis, iisque diverso loco sitis observatoribus, simul instituantur, & conferantur, ne non alteri res à se notatas, & circa Lunæ considerationem deprehensas aperiat, & patefaciat: quod admodum sanè erit difficile, ac tantùm non penitus impossibile, nisi loca Lunæ omnia, suam aliquam nomenclaturam habuerint: secus in descriptione locorum designandorum, quàm in eorum animadversione factum, plus collocandum erit temporis, & tamen fusissimo sermone usus, ægrè intelligeretur, vix ulli satisfaciens: quid? quod inde facili negotio sexcenti errores propullularent.

Etenim, quemadmodum universa etiam Geographia, cum omnibus suis amplissimis descriptionibus, & commentariis,

absq;





NATIVA  
 LVNÆ PLENÆ  
 FACIES  
 Cum  
 Disci librationis  
 minima et maxima  
 termino utroque  
 ut antehac nunquam  
 accurato observata  
 adumbrata anque inter se  
 Per  
 Johannem Hevelium  
 A. 1685


Præter naturam  
 faciem suam non sicuti se præbet  
 sed ut patet; et quod dicitur  
 æquatur æquationem, sed quædam  
 mensura facit; hoc sicuti dicitur  
 est quibus epi longis, et sicuti  
 hæc sunt illud, per æquationem  
 quædam est, sicuti dicitur  
 hæc sunt illud, sicuti dicitur  
 hæc sunt illud, sicuti dicitur  
 hæc sunt illud, sicuti dicitur

Milliaria germanica

Fig. P

Digiti Eclipticæ eorum segmenta





Faint, illegible text, likely bleed-through from the reverse side of the page. The text is arranged in several columns and appears to be a Latin or Italian manuscript.





absque nominibus Regionum, Urbium, Pagorum, Marium, Fluviorum, Montium & Vallium, nemini usui foret, nec à quopiam licet peritissimo, describi vel intelligi posset; sic planè quoque cum nostrâ hac Selenographiâ est comparatum. Idque probè veteres Astronomi considerarunt, qui ut observationes suas Astronomicas cum posteritate communicarent, incrementum cum tempore & annis sumpturas, pro captu suo & seculi sui genio, tam Planetis, quàm Asterismis generalibus, ut & stellis specialibus, nomina indidère, quibus singula appellarent distinctè, ut consequentibus ætatibus ab Astrosophis intelligerentur, qui eadem coelestium luminum nomenclaturâ uti possent, si ita videretur. Nam, quid quæso omnis esset Astrorum scientia, nisi ipsa Astra ritè separare, & discernere possimus, quod unicè à nominibus proficiscitur? omnes omnium observationes, tum Antiquorum, tum Neotericorum nemini essent commodo, librique eas nobis exhibentes, potiùs ænigmata quàm descriptiones atq; explicationes esse viderentur. Quid? quòd cuncta atque singula, quæ Mundanæ hujus Machinæ ambitu comprehenduntur, sive sint corpora animata, sive inanimata, statim à rerum conditarum principio, nominibus suis distinguerentur, & ipsi DEO creatori Vniversi, & Adamo protoplasto, hæc res curæ fuit in Hebraico idioma: quos secuti sunt aliarum gentium Onomatothetæ sapientes, qui, arcano DEI instinctu, alia rerum nomina suis in linguis finxère: absque quâ operâ hic mundus visibilis etiamnum esset, aliquâ ex parte confusum chaos, hoc est, hominibus imperceptibilis incomprehensibilisque.

Quas quidem consimilesque rationes, cum accurate mentis trutinâ ponderassem, illicò consultum duxi, omnibus & singulis Lunæ regionibus, qualia qualia, sed distincta indere nomina: ultrò equidem fateor, arduum me opus suscepisse, siquidem inauditum, adeò remoti corporis ætherei partes, certis nominibus discernere, & à nemine, hunc usque in diem, quantum mihi hætenus constat, vel tentatum, nedum feliciter absolutum. Interea tamen, cum ratio operis nostri, hoc necessario deposceret (quod bene vertat cum exoptatissimo Astro-

nomiæ

Quemadmodum Geographia absque nominibus, nemini perceptibilis, sic & hæc nostra Selenographia.



nomiæ & Geographiæ emolumento!) DEO OPTIMO MAXIMO proauctore, id periculi sum aggressus, spe certissimâ fretus, neminem sanæ bonæque mentis, animi boni conatum, malè interpretaturum.

*Autori inisid  
animus erat,  
Præclarorum  
Viro-  
rum nomi-  
na Macu-  
lis Lunaribus  
imponere.*

Ad loca Lunæ, certis nominibus distinguenda, initiò statim duæ rationes se se offerebant. Primò quidem, non absolum fore rebar, ut exemplo Veterum Astronomorum, qui, viro- rum virtute excellentissimorum, id præ aliis optimè de orbe meritorum (quibus memoriam apud posteros sempiternam conciliare animus erat) nomina, astris imponebant; hoc enim pacto viri illi magno sunt decorati honore, ut inde in omne ævum inclaruerint, veluti: Hercules, Cassiopeia, Andromeda, Cepheus, Perseus cum capite Medusæ, Bootes &c. & alii.

Hac inquam ratione, mihi quoque proposueram, universa Lunæ territoria hodie præclarorum Doctissimorumque Viro- rum nominibus afficere, & præsertim verò illorum, qui nostrâ tempestate, studia Mathematica egregiè amplificatum ivère, indeque nomen meritissimò sunt adepti amplissimum: ut ita magis adhuc fama eorum extenderetur, & ipsi in Cœlo cum astris collocarentur, recordatione prosperâ prosequendi, quàm diu æther & sidera sunt duratura; decreto factò, in hanc ve- ram Terram ætheream transferre Oceanum Coperniceum, Oceanum Tychonicum, Mare Kepplerianum, Lacum Galilæi, Paludem Mæstlini, Insulam Scheinerianam, Peninsulam Gassendi, Montem Mersenni, Vallem Bullialdi, Sinum VVendelini, Promontorium Crügerianum, Fretum Eichstadianum, Desertum Linnemanni, & sic deinceps.

*Cur Autor  
sententiam  
mutaverit?*

Idque vix inconvenienter esset factum; sicuti in eâ re mul- tis mecum convenire puto: cum autem nonnihil pensicula- tius, de toto hoc negotio apud animum meum cogitasset, vi- debar mihi videre, istud cum discrimine aliquo conjunctum esse, & facilè fieri posse, ut cum nomenclaturâ istâ modò de- signatâ, gratiam colligere aliquam vellem, invidiam atque ini- micitiam mihi fortè conflarem. Nam attento, multa in Lunæ orbe existere loca, & alia aliis eminentiora, quædam etiam si- ve situs, si ve claritatis ergo, minùs notabilia, quibus omnibus

SILVONI

tamen



tamen suæ assignandæ essent appellationes; intelligebam, posse accidere, ut huic alterive Virorum eximiorum, locum aliquem, vel cujusque suâ vel aliorum opinione, inferiorem indignioremve fortè tribuerem: ex quo nullo negotio bilis concieretur, suspicantibus nonnullis id eo factum, quia minùs benignè honorificèque, vel de quorundam meritis in rem literariam, vel de alicujus gente, religionis professione sentirem, ac forsitan, notos conjunctosque, vel amicitia, vel fidei nexu, aliquâ indecenti stimulatione huic illive antehabuissem. Ut ita certus planè evaderem, me non posse non ita offendere, ut ut animus ab offensæ studio esset remotissimus. Quamobrem istum Maculas Lunares nuncupandi modum potiùs missum facere volui, aliumque eligere visum, qui & tutus omnino est, & ut verum fatear, instituto nostro & publicæ utilitati convenientior. Citra dubium quidem Lunam jure Antichtona appellari posse, cum nostræ huic Terræ, in multis partibus, prorsus sit similis; (ut debito loco monebitur imò docebitur) respectu nimirum Oceanorum, Insularum, Paludum, Camporum, Montium & Vallium &c. Proinde apprimè conducere duxi, si Geographica tantùm nomina, eaque jam multùm cognitissima, locis Lunaribus attribuantur: dummodo (quod primò investigandum erat) hemisphærium Lunæ patens, certæ cuidam globi Terreni parti, quoad locorum scilicet situm, congruenter & appositè ordinari posset.

Cum verò extemplò ad eam indagandi operam, animum adjecissem, & totam probè Geographiam contemplatus essem, inveni summâ cum animi oblectatione, aliquam Globi terreni partem, & loca ibi indicata terrestria, cum superficie Lunæ visibili, ejusque regionibus oppidò accommodatissimè comparari, & ideo inde huc transferri posse nomina, nullo negotio multoque convenientissimè: puta nempe, partem Europæ, Asiæ, & Africæ, quæ Mare Mediterraneum, Pontum Euxinum, Mare Caspium comprehendit; ac omnes reliquas Regiones illis inclusas & adjacentes, quæ sunt: Italia, Græcia, Nattolia, Palæstina, Persia, Sarmatiæ & Tartariæ pars, Ægyptus, Mauritania &c. quæ loca, scilicet à decimo gradu usq; ad no-

*Autor Maculis Lunaribus nomina Geographica imposuit.*

*Certa pars Globi Terreni, cum hemisphærio lune patenti aptè omnino comparari potest.*



nagesimum longitudinis, & à vigesimo quinto, ad sexagesimum latitudinis gradum, se se extendunt.

Quanam nomina locorum aut e-  
legerit?

Comparatos sic igitur Lunæ oceanos, Regiones, si sic appellare liceat, cum his terrenis, insignivi nominibus communibus, quæ sequuntur, in denominatione istâ, debitè observatis. Primò quidem locorum situm præcipuè attendi, ne non spatia Lunaria cum Terrestribus egregiè inter se convenirent: Secundò, primariae notæ maximeque nobis perspecta nomina elegi, inprimis quæ Veteribus fuerint usitata, & Historicis ac nobis familiaria. Locorum enim terrestrium nomina nostro seculo admodum variare, & aliter atque aliter hæc vel illa à diversis populis nominari loca, quem fugit? Vbi verò quod dictum servare non licuit (quemadmodum interdum id fuit impossibile) illa amplexus sum nomina nobis inservitura, quæ arridebant, & non omnino inepta erant. Interim mirari nunquam satis potui, tam omnia se bene dedisse, ut initiò nunquam putavi: id quod Astrosophus quisque jam jam perceptum, opinor, mecum vix leviter mirabitur demirabiturque. Interim tamen non est quod quisquam sibi persuadeat, loca Lunæ terrestribus nostris, etiam quâ formam, quaque amplitudinem, & omnem denique proportionem planè respondere (id enim ita esse aut scisse, quod ita se habeat, ut facile sapientes colligunt, nil adeò in præsens refert) sufficit qualem qualem situm locorum regionumque utrinque æqualium primò deprehendisse. Fictitiis nominibus, vix semel atque iterum sum usus, & non nisi eo in loco, ubi Geographica nomenclatura nos destituebat: ideoque pauca talia invenientur, nec nisi Boream versus, cum reliquis in partibus, nomina verè Geographica commodè in promptu essent.

Cæterum minimè oportuit solùm oras Lunares, nominibus afficere; sed requirebatur etiam, ut ita eadem repræsentarentur, quò facilè quilibet memoriæ illa mandare, feliciterque retinere posset. Per numeros quidem nomina inventa extra Lunæ faciem seorsim indicare, non videbatur conducibile: nam propter multos illos diversos numeros, varietatemque nominum, vix quicquam inveniri potuisset, & ita ob confusio-

nem





**TABULA Selenographica**  
 Sen. adinventio tibi Octonidibus  
 in Luna, Marium Sinuum, Insularum  
 Continent. Promont. Lacuum, Pellicularum  
 Montium Planit. Vallium, in orbis  
 Luna hemisphaeris existentium  
 Auctore  
 Johanna Hevelio  
 A. 1685

**EXPLICATIO LITERARVM.**  
 M. Mons. I. Insula.  
 S. Sinus. L. Lacus.  
 P. Palus. C. Caput.  
 Promontorium.  
 Pal. Paludes Fl. Fluvius  
 Fest. ad F. Festum



Fig. 8.

Digiti ecliptica et eorum Segmenta






TABLE  
of the  
Sines, Tangents, Secants, and  
Cosecants, of all the  
Angles from 0 to 90  
Degrees.

307



nem istam, opus hoc fuisset molestissimum atque tædiosissimum. Aliam proinde rationem inveni, Tabulam Selenographicam Orthographicè & Geographicè delineatam construendi, cujus beneficio & totum hoc negotium bene successurū prævidebam, & facilè fore ut Selenographiæ Studiosi, multò majori cum voluptate, minori autem labore, nomina omnia hîc adhibita cognoscant, mandentque memoriæ: & quod maximum, proposito meo valde posthac inserviret; verumque esset medium, totam hanc Selenographiam, rectè illustrandi atque intelligendi.

*Nomina locorum Luna, in Tabulâ quâdam Selenographicâ Geographicè delineata, Autor representavit.*

Quam ego Tabulam Selenographicam simili modo construxi, ac sub aspectum publicum posui, ut Mappæ solent, Geographicæque Tabulæ: nempe duobus eo necessariis benè animadvertis. Primò, ut Regiones & Insulæ, cum omnibus finibus & angulis &c. secundùm veram mensuram, proportionemque tam longitudinis quàm Latitudinis accuratissimè delinearentur: Secundò verò etiam est observatum, ut Maria itidem Lacus, Fluvii & Paludes, cum Sinibus, Promontoriis Scopulisque &c. accuratâ operâ, in debitâ servatâ proportione adumbrarentur. In quâ & ipsa, Oceanorum littora, mōris Geographicis usitato, lineis certis distinxî, Paludes item, ut sœtutum, Montes & Valles: ne non ipsi tirones, primo intuitu, continentes à Paludibus, Stagnis, Maribusque discernere non nequeant. Nam ex priori Tabulâ Ichnographicâ, ut & reliquis phasibus, non tam commodè, nec tam citò omnia percipiuntur. Montes re ipsa minores & majores Lunares, in hac Tabulâ, ratione altitudinis, pariter sunt distincti, ut differentia, haud difficulter deprehendi possit. Vnde autem, tam accurate scire potuerim, locorum situm, Montiumque differentias, inferiùs dicetur. Porrò etiam omnium locorum collecta nomina, Tabulæ huic addidi, quò & situs locorum, & ipsa nomina simul, ob oculos ponerentur. Quâ quidem viâ, ut diximus, haud ægrè sibi rerum harum omnium cognitionem acquirent Astronomiæ cultores: cùm nomina quæ ordine hîc introducuntur, non Historicis tantùm, sed & Poëtis, imò ac omnibus ferè literarum Peritis sint familiarissima. Et ne discre-

*Selenographica Tabula, instar Geographicæ est constructa.*



pantia nominum priscorum hodiernorumque quendam offenderet, utraq; junctim afferentur.

Sed nomina in Tabulâ Selenographicâ expressa, majusculis literis notavimus, reliqua minoribus, melioris scilicet distinctio- nis gratiâ, additis insuper & pluribus, quæ ad meliorem intel- lectum conducere putavimus. Demum nomina omnia, ut ci- tiùs reperiri possent, secundùm ordinem Alphabeticum dispo- suimus. Quod autem Tabulam Selenographicam attinet, eam omnibus observationibus, admodum conducibilem, & utilem fore judico, tam ad observationes, rectè instituendas, quàm has ipsas probè intelligendas: idque inferiùs, suo tempore & loco fusiùs demonstrabitur.

## Tabulæ Selenographicæ nomina, eaq; propria Marium, Sinuum, Insularum, Continentium, Promonteriorum, Chersonesorum, Lacuum, Paludum, Fluminum, Planitierum, Mon- tium, & Vallium.

- A
- A** Barim Mons, *Nebo* & *Pha-  
sga* nominatur, in quo Moïses mor-  
tuus.
- A** cabè, Mons Ægypti, ad Sinum Ara-  
bicum.
- A** conitus, Collis, ubi & Archerusia  
Specus.
- A** driaticum Mare, Hodie, *Golfo  
di Venetia*; A Vitruvio *Gallicæ Pa-  
ludes* vocantur; Intimus Maris Adriati-  
ci recessus, in quo Venetiæ sitæ sunt,  
hodie *Lagume di Venetia*.
- A** Æa, Insula, nî fallor, hodie *Satabella*.
- Æ** gyptus, Africæ Regio celeberrima,  
quondam *Æria*, *Ætia*, *Ogygia*,  
*Hophestia*. *Chemia* quoque dicta, teste  
Herodoto; Hebræis dicitur *Chus*;  
Turcis *Elchebitz*; & in linguâ Ægy-  
ptiacâ *Cam*.
- Æ** gyptiacum Mare.
- A** fricæ Pars.
- Æ** mus Mons, vel *Hemus*, mons  
Thraciæ; ab Italis *Catena Mundi*,  
& *Monte Argentario* appellatur;  
Turcis *Balkan*.
- Æ** ri Montes Siciliæ, & olim sic ap-  
pellati.
- Æ** tna Mons Siciliæ; *Cælestis Co-  
lumna* Pindaro; *Tiphæus* Mons, Si-  
lio Italico; hodie *Mongibello*, aut  
*Monte Gibello*; olim *Inesia* appella-  
tus, uti meminit Volaterranus.
- Æ** thusa, Insula non procul Sicilia. Aliis  
*Ægusa*, *Limoza*, *Ægates*.
- A** jax, Mons Ægypti.
- A** garum, Promontorium Sar-  
matiæ Europææ.
- A** labastrinus Mons Africæ.



Alani, sive *Roxolani* Montes, juxta Tanaim fluvium & Mæotidem Paludē.

Alopecia, Insula, Paludis Mæotidis, quæ & *Tanais*, item *Calarus* & *Alopece* nominatur. Hinc Socrates oriundus; testibus Laërtio in hujus vitâ, & Platone in Gorgia; vocatur etiam à quibusdam *Iste de Renards*.

Alaunus Mons.

Alpes, Montium longissimi tractus, qui Italiam à Germaniâ & Galliâ, tanquam muro nativo, separant; *Albia* & *Alpionia* olim dictos fuisse, tradit Strabo. A diversis Autoribus etiam variis nominibus distinguuntur. vide Ortel.

Amaræ Paludes.

Amari fontes Ægypti.

Amadoca, Palus.

Amanus Mons, aliàs *Cedremus*, vel *Monte nigro*.

Ambenus Mons, circa Istri ostia in Sarmatiâ Europæâ, aliàs etiam *Ambolus* & *Embolus* vocatur.

Anemusa, Insula, inter Leopadusam & Æthusam interjacens, quæ etiam *Pelagie* dicuntur Insulæ, & *Taricinia* in Africæ tabulâ, appellantur.

Annæ Mons, Arabiæ desertæ

Antilibanus, Mons.

Antitaurus, Mons.

Apenninus Mons; pro locorum varietate, varia illi in Italiâ attribuntur nomina.

Apollinis Promontorium, In Mauritaniâ Cæsariensi, hodie *Cabo de Tenes*, vel *Cabo de tres forcas*.

Apollonia Insula, quæ & *Thynias*.

Apollonia minor, Insula Ponti Euxini.

Arabia, hodie *Aden*, nonnullis *Aiman* dicitur, Saracenis verò *Mamotta*.

Arabia Paludes

Archerusia Palus, vel *Anthemoisis* ad Pontum Euxinum.

Archerusia Promontorium, ad Insulam Apollinis in Ponto Euxino.

Areesa Palus, vel *Arsena*, *Arethusa*, in Armeniâ Majori.

Argentarius Mons, Peninsula, sive Promontorium Tusciæ; hodie *Monte Argentaro*, in quo olim fuit Portus Herculis.

Arietis frons seu Promontorium, quondam *Brixaba* vel *Acroma*, Tauricæ Cherfonefi Promontorium.

Armeniæ Montes vel *Gordiei*.

Arrhentias, Insula circa Pontum Cappadocicum.

Asiæ Pars, à Sacris Scriptoribus dicitur *Semia*, à Populis verò Asiaticis *Siana*.

Atheniensis Sinus; Athenarum Cappadociæ, non Græciæ; aliàs *Themis* & *Cyrium* appellatur, hodie *Cacari*.

Athos Mons Græciæ, hodie *Monte Sancto*; Turcis *Monastir*.

Atlas minor, Mons in Africa.

Atlas major, itidem mons in Africa.

Audus, mons Africæ.

Aureus Mons in Mœsiâ; hujus nominis & alii in diversis Regionibus inveniuntur.

## B

Baronifus, Mons Regni Fesse, & Marrocci in Africâ.

Besbicus, Insula Propontidis, hodie *Calomio*, vel *Calolino* appellatur.

Berosus, Mons, in eo tres sunt fontes, sine dolore, sine remedio mortiferi. Plinius.

Bodinus, Mons.



- Bontas, Mons**, seu *Tabas*, circa Serrorum montes, situs.
- Borysthenes, Lacus**, circa Pontum Euxinum, in quem fluvius Borysthenes se se exonerat.
- Byces, Palus**; est quidem aliàs pars Paludis Mæotidis; hîc autem pars Ponti Euxini; cùm enim in Geographiâ nullus alius occurreret Sinus; idcirco hoc nomen retinere placuit.
- Byzantium**, hodie *Constantinopolis*
- C**
- Cadmus, Mons** Asiæ.
- Calabraria, Insulæ** Maris Balearici; hodie *Montcolibre*.
- Calathe, Insula** maris Africi, non procul à Sardinia.
- Calchistan, Mons** Persiæ.
- Capraria, Insula**, hodie *Cabrao*.
- Carpates, Mons** Sarmatiæ Europæ Ptolom. Germani hunc, *Den Münch / Batter / Wurgarten / vnd Schneberg* vocant: vide Ortelium.
- Carpathos, Insula**, olim & *Crapathus, Porphyris* & *Tetrapolis*, hodie *Scarpanta* dicta.
- Caput de Tornese, Peloponnesi.**
- Carcinites, Sinus**, qui & *Tamyra-ces* hodie, *Golfo di Nigropoli*.
- Cassiotis, Regio**, in Ægypto vel Syria.
- Casius, Mons** Ægypti, hodie *Larissa*, in quo Pompeji Magni Tumulus.
- Caspium Mare**, sive *Hyrceanum, Albanicum* & *Tartaricum* appellatur, hodie *Abachu, Sala, Cunsar* &c.
- Catarractes, Mons** Ægypti, non procul à Nilo.
- Caucasius Sinus** Ponti Euxini.
- Caucasus, vel Caucasii Montes**, Pars Tauri Montis, inter Pontum Eu-
- xinum & Mare Caspium siti; aliàs *Marpesia Cautes*: hodie *Cochias*.
- Celenorum tumulus**, Montes Pamphiliæ
- Cercinna, Insula** Africi Maris; hodie *Gamelaria* & *Querquenes* dicitur.
- Chadisia, Promontorium**, aliàs *Phadisana*.
- Chalcidici Montes**, hodie *S. Ritti*.
- Cilicum, Insula** Ponti Euxini.
- Cimmerius, Mons** in Tauricâ Cherfoneo.
- Cimmeriæ Paludes.**
- Cimæus, Mons** Asiæ.
- Circæum, Promontorium**, hodie *Monte Circello*.
- Cirna, Mons** Africae.
- Climax, Mons** Ægypti.
- Coibacarani, Montes** in Persiâ.
- Colchis.**
- Corax, Mons** Sarmatiæ Asiaticæ.
- Corocondametis Lacus** ad Pontum Euxinum.
- Corfica, Insula**, quæ & *Cyrnus, Corsis* & *Cerneatis*, in viciniâ Sardinia sita.
- Cosyra, Insula** vel *Cossura*, aliàs *Pantalaria* non procul Sicil. & Promont. Mercurii.
- Cratas, Mons.**
- Crathis vel Chelidoreus Mons** Peloponnesi; olim, nî fallor, *Stymphalus*.
- Cragus, Mons** Ciliciæ
- Creta, Insula**, seu *Candia*, olim *Aeria, Curetis, Macaros* & *Macaronesos* dicta.
- Creticum Mare.**
- Cydises, Mons** circa Armeniam.
- Cyprus, Insula** Maris Mediterranei, variis fuit appellata nominibus: *Aca-*



*mantis, Cerastis, Aspelia, Amathus, Macaria, Cryptus, Colima, Sphacia, Mejonis, Arosa, Paphus, Chetima, Citica, &c.*

Cyanea Europeja, Insula Bosporo Thracio adjacens.

## D

Delanguer, Mons, olim *Imaus* ex Radicibus Tauri exoritur: à Ptolemaeo *Chemantini Montes* appellantur.

Didymę, Insulę Maris Mediterranei

Didymus, Mons Asię Minoris: aliàs quamplurimi reperiuntur hujus nominis montes.

## E

Ebissus, hodie *yvica*, Insula maris Balearici.

Echinades, Insulę sunt maris Ionii; nostrā tempestate *Cozzulari* vocantur.

Eos, Mons Ægypti.

Eoum Mare, seu Orientale.

Erichtini Scopuli, in Ponto Euxino.

Erroris Insula, quę & *Albusama* maris Mediterranei; hodie vocatur *Alboran*.

Eryx Mons, vel *Montes Erycini*, hodie *Trapani* & *Monte S. Iuliano*, in Sicilia

Evila, desertum in Palęstina.

## F

Ficaria Insula, hodie *Serpentaria*, juxta Sardiniam.

Fontes amari ad Nilum in Ægypto.

Fretum Ponticum.

Fortis, Mons.

## G

Gallicus Sinus, dicitur ea pars maris Mediterranei, ubi Rhodanus se in illud effundit; aliàs etiam *Angulus*

*Gallicus* & *Salsus* interdum nominatus, ad Aphrodisium Promontorium.

Germanicianus mons, aliàs *Iovis*, in Africā.

## H

Hajalon Vallis, in Palęstinā, five Vallis Lunę aliis nominata.

Herculeus Lacus in Sicilia circa Ætnam situs, quatuor stadiorum fuit in ambitu, in Leontino agro. Diodor. Sic.

Herculis Mons, juxta Promontorium Heracleum.

Hereus, Mons Sicilię, aliàs *Artifino* & *Tauis*.

Herculeum Promontorium, ad Paludem Meotidis.

Heracleum, Promontorium Ponti Euxini.

Hermo Mons, & *Galaad*, Palęstinae.

Hiera, Insula, juxta Siciliam & *Hieronisos*; vel *Maritima* nominata; hodie *Maretamo*, non procul Promontorio Lylibęo, ubi & alię reperiuntur Insulę.

Hippoci Montes, hodie *Mazarisci*, in Asiā, circa Tartariam.

Hippolai Promontorium in Scythiā Europęā ad Boristhenem.

Hipponiates Sinus, aliis *Vibonensis*, *Terineus*, *Napetinus*, *Bruttius*, *Lameticus*, hodie *Golfo di Taranto*.

Hor, Mons Palęstinae.

Horminius Mons, vel *Ormenius*, in Asiā ad Pontum.

Horeb, Mons Palestinae.

Hiblęi Montes, Siciliae.

Hyperboreum Mare.

Hyperboreę Paludes.

Hyperborei Montes.

Hyperboreus Lacus Superior.

Hyper-



Hyperboreus Lacus Inferior.  
Hyperborei Scopuli.  
Hyperborea Regio.

## I

Ida, Mons Afrix, in Myfiâ minori.  
Infula Orientalior, Maris Carpat-  
ci, five Lybici.  
Infula Occidentalior, in eodem  
Mari.  
Infula, ad Promontorium Arietis, in  
Ponto Euxino  
Infula Major, Maris Caspii.  
Infula Minor, Maris Caspii.  
Italia, quondam dicta fuit *Vitalia*, *A-*  
*pennina*, *Argessa*, *Aufonia*, *Camefe-*  
*na*, *Hesperia*, *Fanicula*, *Oenotria*,  
*Salcombrona*, *Saturnia*, *Tourina*, &  
*Vitullia*.

## L

Lacus major occidentalis,  
ad Paludem Mæotidis, vel speciali no-  
mine *Odojum*, Lacus, & *Ivanow*.  
Lacus minor occidentalis,  
speciali nomine, Lacus *Ploto*.  
Lacus Meridionalis.  
Lacus Niger Major.  
Lacus Niger minor.  
Lathmus, Mons Afrix, minoris.  
Lea, Infula ad ripam Barbarix.  
Lemnos, maris Ægei Infula, hodie  
*Stalimene* appellatur.  
Lesbos, Maris Ægei Infula; olim et-  
iam *Hemerte*, *Lasia*, *Ægira*, *Pela-*  
*sga*, *Æthiope*, *Macaria*, *Mitylena*,  
& *Mytaneda*, hodie *Metellino* dicta.  
Letoa Infula maris Mediterranei, cir-  
ca Cretam; aliis etiam *Christiana*  
vocatur.  
Leucopetra Promontorium,  
hodie Capo de Larme,

Libanus, Mons Sirix.  
Ligustinus, Mons Italiae.  
Lion, Mons in Arabiâ desertâ,  
Lipulus Mons.  
Loca Paludosa, in Cercinnâ Insulâ,  
in cujus medio Collis insignis conspi-  
citur.  
Lunæ Promontorium in Tusciâ, non  
procul Sinu Gallico.  
Lybicum Mare, vel potius *Ægy-*  
*ptiacum*.  
Lychnitis, Palus Armeniæ majoris,  
hodie *Exsechia*.  
Lybiæ Pars Africæ, quam olim &  
*Olympiam*, *Oceaniam*, *Hesperiam*,  
*Cepheniam* nominarunt.

## M

Macra Infula, quæ & *Achillis*,  
item *Leuce*; sita est in Carcinite sinu;  
Macrocemnii Montes, in Sarmat-  
iâ Europæâ.  
Malta, vel *Melita*, Infula.  
Majorica, Infula maris Balearici.  
Mampfarus, Mons Africæ.  
Mantiana Palus, hodie *Gelucha-*  
*lat* vel *Actamar* vocatur.  
Marinus Lacus, in Tusciâ, ad Her-  
culis Portum, hodie *Lago d' Orbitello*.  
Masicytus, Mons Afrix minoris.  
Mauritania, Africæ Regio; Hebræis  
dicitur *Phut*, hodie *Regnum Tre-*  
*missinum*. Hispanis, Gallis & Italis  
*Barbaria* dicitur.  
Mediterraneum Mare, Italis &  
Hispanis *Mare Levanto*, Turcis  
*Actenitz* id est *Album*, Arabibus *Bo-*  
*har Rumi* appellatur; aliàs etiam *Ma-*  
*re magnum*, *Mare internum*, *Mare*  
*intestinum*.

Melos



Melos Insula, variis olim appellata nominibus, vide Ortel. Omnium Insularum in Græciâ fuit Plinius scribit rotundissima.

Menyx Insula, quæ & *Lotophagitis* & *Cyra* vocatur, est Insula Maris Africi, non longè à Syrtibus.

Mercurii Promontorium, Maris Mediterranei ad Afric.

Mefogys, Mons Lydiæ.

Micale, Mons Ioniæ.

Mimas, Mons Ioniæ.

Mingui, desertum, sive *Carmania*, in Asiâ.

Minorica, Insula Maris Balearici.

Miris, vel *Moeris*, stagnum, in quo Mæridis Regis Sepulchrum.

Mons Meridionalis.

Montana Pharan, in Palæstinâ

Montana Seir, in Palæstinâ, hodie *Sardinay*.

Montuniates, Mons in Tusciâ.

Mortuum Mare in Palæstinâ.

Myconius, Mons Siciliæ, circa Messanâ.

Mœsia, Regio Europæ, aliis *Servia*, aliis *Bosna* & *Moldavia* dicitur.

Mysius, Mons Asiæ, olim *Saturni Collis* appellatus, à Turcis autem hodie *Geschisdage*.

## N

Neptunus Mons, hodie *Monte de Namari*, non procul Messanâ, in Siciliâ, ad Fretum Mamortinum.

Nerosus, Mons Tartariæ.

Nilus, vel Fluvius *Triton*.

Nitriæ Mons Ægypti.

## O

Olympus, Mons Asiæ, vel *Olympus Mysicus*, hodie *Kischisdag* voca-

tur. Aliàs adhuc duodecim fuerunt Olympi, in Cypro nempe, Macedoniâ Peloponneso & Lyciâ.

Ophiusa, hodie *Fomentera*; Insula Maris Balearici.

## P

Paludes, circa Mare Mortuum.

Paludes Palæstinæ.

Paludes Superiores Ponti Euxini.

Paludes Inferiores Ponti.

Palus Maræotis, in Ægypto.

Palus Mæotis vel *Mæotica*, hodie *Mar dello Sabacche*, *Mar della Tana*, & *Mar Bianco*.

Pamphylium Mare, seu *Phaselicum*.

Pangæus Mons.

Pæstanus Sinus, sive *Posidoniates*, hodie *Golfo Agropolitano*, vel *Golfo di Salerno*, Maris Mediterranei.

Paropamisus Mons, Pars Tauri; ibi in excellentissimam confurgit sublimitatem; ab Aristotele, *Parnassus*, hodie verò *Pamer* vocatur.

Parthenius, Mons Peloponnesi.

Peloponnesus, hodie *Morea* Peninsula; olim *Apia*, *Pelagias*, *Argos*, *Pelopias*, *Inachia*, *Ægialia* nominata.

Pentadactylus, Mons Ægypti, ad mare rubrum.

Peronticus, Sinus Ponti Euxini, hodie *Cabo de Manco*.

Persia, Regio Asiæ, hodie *Farsi*, *Azamia*, & *Curasan* dicitur.

S. Petro Insula, sita est ad Sardiniam, olim Herculis Insula appellata.

Petra Pyramidalis, seu *Pyramis*, sive Mons *Faronianus*, in Tusciâ.

Petra Sogdiana, ad Mare Hyrcanum.



Peuce, Mons in Sarmatiâ Europæâ.

Phasianus, Sinus Ponti.

Pherme, Mons Ægypti.

Philyra, Insula Ponti Euxini, circa Sinum Phasianum.

Phoenix, Mons è regione Inf. Rhodi.

Pontia, Insula Maris Mediterranei.

Pontus Euxinus, à variis Autoribus varia traxit nomina: *Axenus, Amazonius, Scythicus, Pontus Tauricus, Mare Cimmericum, Colchicum, Caucasum, Mare Ponticum, Phasianum, Sarmaticum, Mare Boreale, Pontus nigrus*; hodie *Mar de Marmora, Mar Majore, & Caradenis, & Maurothalassa* Turcis.

Porphyrites, Mons, tanquam Minio rubens, ut tradit Agatarchides; & hic in Lunâ ferè ejusmodi est coloris.

Promontorium freti Pontici.

Propontis, Sinus Maris, inter Hellepontum, & Pontum Euxinum; aliàs *Bebrycium Mare, Thracium*, hodie *Mar de Marmora*.

Prophetarum, Mons, Palæstine

## R

Raphidim, desertum in Palæstinâ.

Rhodus, Insula, olim *Macaronesos* dicta, & aliis variis nominibus appellata.

Riphæi Montes.

Rupes, in sinu Atheniensi.

## S

Sacer, Mons Ægypti.

Sagaricus, Sinus, Sarmatiæ Europææ.

Salmydessus Sinus, hodie *Philia Promontorium*.

Sanctus Mons, ad Paludem Mæotidè.

Sardinia Insula, quæ & *Sandaliotis* & *Ichnusa* vocatur.

Sarmatiæ Europææ Pars.

Sarmatici Montes, in Sarmatiâ Europæâ, hodie *Scepusienses*.

Sarmatiæ Asiaticæ Pars.

Scithiæ Pars, hodie *Tartaria*.

Sepher Mons, Palæstinæ; sed & alius hujus nominis in Indiâ invenitur totius Orbis maximus: & hic in Lunâ se se quàm longissime extendit.

Serrorum Mons, Sarmatiæ Europææ.

Sicilia, Insula, quæ & *Sicania, Trinacria, Triquetra*; teste Plinio.

Sinai Mons, hodie *Catharina*, Turcis *Turla*, & *Gebel Thor*, in Arabiâ Petræâ.

Sinopium Mons Ægypti, aliàs *Memphidis Mons*.

Sinus Orientalis, Maris Hyperborei.

Sinus inferior, Maris Caspii, in quo rupes insignis videtur: aliàs hic Sinus *Scythicus* dicitur.

Sinus Extremus Ponti Euxini.

Sinus ad Bosphorum Thracium, Propontidis.

Sinus ad Hellepontum Propontidis.

Sipylus, Mons Asiæ Minoris: aliàs quamplurimi reperiuntur, hujus nominis Montes.

Sirbonidis Eruptio, vel fretum *Sirbonicum*.

Sirbonis, Sinus, in Africa non procul à Nilo. Vel *Palus Sirbonis*; In Sacris literis *Torrentis Ægypti*, hodie *Golfo di damiata*.

Sogdiani Montes, inter Mediæ & Assyriæ Regiones Limes; hodie *Cabusco*.



Strobilus, Mons, Pars Caucaſi.  
 Strophades, duæ Inſulæ Maris Ionii.  
 Strymonicus, Sinus, hodie *Golfo de Conteffa* in Mari *Ægæo*, ſeu Archipelago.  
 Syrticus, Sinus minor, qui & *Lothopagitis*, ad Africam.  
 Syrticum Mare; Loca ſunt vadoſa; in eo rupes quamplurimę ſcilicet, Maris Brevia, loca que arenofa; hodie *Secche de Barbaria*, vel *Braxas de Barbaria*.

## T

Tabor Mons Paleſtinæ.  
 Taigetus, Mons Peloponneſi.  
 Tancon, Mons, juxta Mare Caſpium.  
 Tarantinus, Sinus maris Mediterranei; hodie *Golfo di Taranto*.  
 Taurus, Mons Aſię, totius orbis terrarum maximus, & hîc in Lunâ omnium maximus.  
 Taurica Cherſonneſus, que & *Cherſonneſus Pontica*, *Taunaim*, *Alopeciam*, *Cherſena*. Noſtrâ etate, *Perokopſka*, *Gefara*, *Gazaria*, vel *Cazaria*, dicitur.  
 Taraciniæ Inſulæ.

Techifandam Mons Perſiæ.  
 Thambes, Mons in Africâ Situs:  
 Tenarium Promontorium; hodie *Capo Matapan* in Peloponneſo  
 Thoſpitis, Lacus.  
 Tmolus, Mons, aliàs *Timolus*, in Phrygiâ ſitus.  
 Trapezus Mons, in Tauricâ Cherſonneſo, aliàs *Lustra* hodie *Trebizonda*; *Tarabosſan* Turcis vocatur.  
 Traſimenus, Lacus in Italiâ, hodie *Lago de Perugia*.  
 Troicus, Mons, ex quo Pyramides *Ægypti*.

## V

Vulcania Inſula, aliàs *Vulcanitemplum*, hodie *Vulcano*, non procul *Lipara*, Inſula; ſita eſt in mari Mediterraneo, ad dextram Inſulę Sicilię, prope Italiam  
 Vxii Montes, in Armeniâ majori, unde *Tigris* originem ſumit.

## Z

Zacynthus Inſula, prope Peloponneſum, aliquando *Caffiopa*, *Hieruſalem* appellatur, hodie *Zante*.

Hæc habe nomina locorum Lunæ omnium, quæ itidem Tabulâ Selenographicâ continentur. Nunc verò adhæc dicetur, de locorum prædictorum vario ſitu, variatione & proprietatibus; ut & paulò fuſiùs, de Tabulâ noſtrâ Selenographicâ, Plenilunio, & omnibus reliquis phaſibus. Vt autem ex voto fluant omnia meliùs: & univerſa lectoribus multò clariora reddantur, propoſui, plenè priùs, de motu Librationis Lunæ diſci agere; (qui motus Veteribus prorfus fuit incognitus, & in hunc uſque diem, à nemine adhuc exploratus, nêdum apertè & perſpicuè, per obſervationes fide dignas, demonſtratus) de re nempè ejuſmodi, cujus cognitio maximè re-

*Motus Librationis Diſci ab Autore explicatur; qui Veteribus planè fuit incognitus, nec à Recentioribus adhuc exploratus.*



quiritur, tam ad Selenographiam, quàm ad res omnes Lunares, Phasesque rectè intelligendas; imò, absque cujus beneficio, ne minima quidem Lunæ Phænomena, debitè explicari, ac demonstrari possunt.

Satis quidem prolixè, in capite antecedenti, de motu Lunæ vario, cui Luna est obnoxia, pro rei necessitate, dictum; sed hujus motus Librationis, nulla planè facta est mentio: quippe occasio loci non permittebat. Veruntamen, memini cujusdam motus librationis; quomodo scilicet centrum Epicycli primi, in Eccentrico, in minori Epicycli diametro, hinc & inde libretur, motu tamen ad circularem analogo: hic motus autem non est iste, de quo jam dicere constitui, multò minùs quidam Longitudinis & Latitudinis; nisi quòd antè dictus hic motus Librationis, ex motu Lunæ proprio revera oriatur, eique omnimodè se se accommodet, id quod inferiùs evidentissimè demonstrabitur.

*Qualiam sit differètia, inter Lunæ motum proprium & Libratorium.*

*Luna propter Motum Librationis, non de loco movetur.*

*Libratio fit circa Polos proprios.*

Inter hunc novum Motum Libratorium, & omnes reliquos Lunæ competentes, initiò statim, magna se se offert differentia. Motus quidem tam Longitudinis, qui secundum seriem signorum fertur, quàm Latitudinis, respectu aliarum stellarum; certo certius deprehenditur, ac cognoscitur; rectèque inde à nobis judicatur, ejusmodi motum aliquem circa Lunam existere: quippe, modò illa, hujus stellæ fixæ in viciniâ, modò propè aliam cernitur: adeò ut progressum Lunæ tum Longitudinis, tum Latitudinis, ex vario situ ad stellas fixas, uti fatis diximus, apertè colligere liceat. Motum verò Librationis disci, quòd attinet, eum minimè ex vario situ, respectu Fixarum cognoscere, nec investigare possumus; sed solummodo ex corpore Lunæ ipso: nec est motus qui à certo loco ad locum, & ex suo vero situ (quod motibus aliàs omnibus est commune) continuè movetur. Nam si Luna motuum illorum prædictorum non esset particeps, certè, motus librationis nullam localem mutationem circa eam procrearet: siquidem hic motus circa axes & Polos proprios fit, instar motus Globi Artificialis Cœlestis vel Terrestris, qui prorsus in orbem circumvolvitur, licet de loco nequaquam moveri possit. Attamen ratione  
hujus



hujus motus, quodlibet punctum, sub meridiano constitutum, ab eodem dimovetur, aliudque admovetur, quemadmodum facile intelligitur. Atque sic cum motu Librationis Lunæ est comparatum. Nam etsi propterea, non omnino de loco deturbetur; nihilominus centrum disci Lunaris visibile, ex hoc fundamento, aut antrorsum, aut retrorsum, sursum vel deorsum fertur; adeò ut centrum ejus, modò circa hanc, modò circa aliam Maculam, necessariò supponatur.

Hi Poli, circa quos hæc circumvolutio peragitur, in antecedenti Tabulâ Selenographicâ, in ipsis intersectionibus duorum istorum Limborum animadvertuntur; unus quidem ad sinistram, Hellepontium circiter versùs, propè Montem Pentadaetylum; alter verò ad dextram, Africum versùs, propè Petram Sogdianam; sic ut motus hic Librationis à Circio ad Euroaustrium, & ab hoc iterum, ad Austroafricum feratur. Veruntamen, non est hæc Libratio perpetuò equalis, quia Poli neutiquam sunt fixi; sed ex parte mobiles. At non est, quòd tibi persuadeas, Benevole Lector, Lunam beneficio hujus Librationis, planè in orbem circumvolvi, instar Globi Artificialis, qui omni ex parte circumducitur: verùm Luna tantùm ex parte, respectu nostri, circumagitur, certamque aliquam solummodo hemisphærii latentis Lunæ particulam, nobis spectandam obvertit, modò scilicet partem superiorem Corum versùs sitam, circa Lacus hyperboreos; modò partem inferiorem Africum versùs, circa Lacum & Montem Meridionalem. Cæterùm Termini, maximæ & minimè Librationis, hisce duobus Lunæ Limbis monstrantur, interstitiumque interjacens, est maxima Librationis variatio: quanta autem revera sit, & quid prætereà hîc sit notandum, paulò post dicetur.

Primò namque indicabo, ne Astrophilum, Scientiæ hujus cupidum, diutiùs morer, unde & quomodo, hic motus suam ducat originem? Id quod nullo negotio cum omnibus jam communicare possum, & ita quidem, ut istud haud ægrè, à quolibet percipi queat, non aliunde hunc motum ortum suum habere, quàm unde eum deduxero: idque faciam tantò libentiùs, quia non nescio, vix ab aliquo rectè eum deprehensum

*Quam Cæli  
plagam Poli  
Lunares re-  
spiciant?*

*Poli ex parte  
movenentur.*

*Luna non  
prorsus cir-  
cumvolvi-  
tur, sed ex  
parte tan-  
tùm.*



iri, in animum revocato, quantum laboris & molestiæ mihi ea res creaverit, præsertim genuinos terminos, verumque Librationis tempus exploranti, usque dum crebrarum nimis, & diuturnarum observationum interventu factum sit, ut hac de re aliquid certi, apud me statuere potuerim.

*Motus Librationis, ex motu Luna proprio, oritur.*

Motus autem ille Librationis, inprimis ex triplici motu proficiscitur. Primò, ex motu Longitudinis, qui secundum Eclipticæ ductum, per duodecim signa illa cœlestia progreditur. Secundò, ex motu Latitudinis, situ Nodorum & Limitum, & quidem hoc modo: quemadmodum Luna motu proprio suo, secundum longitudinem, indies, imò singulis momentis, in signorum consequentia fertur; sic & certam nobis quoque partem, ratione hujus motus, antrosum obvertit, hoc est, à Coro ad Euroaustum, dum in signis nempe Ascendentibus Capricorno, Aquario, Piscibus, Ariete, Tauro & Geminis moratur; retrorsum denuo, ab Euroaustro Corum versus, in Signis descendentibus, Cancro, Leone, Virgine, Librà, Scorpione, & Sagittario. Eo igitur modo, quando Luna versatur in Capricorno, Limbus intimus, qui per Lacus hyperboreos, Montes Amadocos, inter Paludem Mæotidem, & Lacum occidentalem minorem transit (pars superior figuræ præcedentis & sequentis si attendatur) veram & genuinam hemisphærii visibilis Peripheriam denotat. Estque tum temporis, inter ipsum Lunæ marginem, & Paludem Mæotidem, interstitium admodum tenue conspicuum; rursus verò è regione, inter Peripheriam & Paludem Maræotidem, spatium amplissimum cernitur, ut patet ex ipso Plenilunii Iconismo: in parte verò superiori, Aquilonem versus, supra Mare hyperboreum, interstitium illud, ad Peripheriam usque, admodum est coarctatum; è contrario, in parte inferiori, Austrum versus, tantò pars Lunæ major conspicitur. At, cum Luna in principio Cancri est constituta, tunc Limbus Lunæ horizontalis extimus (si Lunæ scilicet partem superiorem consideres) verum & nativum hemisphærium Lunæ visibile, repræsentat; ita ut facies ejus, planè alium præ se ferat aspectum: nam spatium inter Paludem Mæotidem & Peripheriam, eo tempore

*Ratione Librationis, luna, in uno latere dilatatur, inq; altero comprimitur.*



est latissimum, sic ut duæ longiusculæ Maculæ distinctè cerni possint; è regione rursus, inter Paludem Maræotidem & Lunæ marginem, tantò magis est coarctatum: verùm pars Lunæ superior, id temporis est amplissima, ut non solùm Lacus hyperboreos, sed & paludem Amadocam satis à Limbo distantes dilucidè conspiciere non nequeas; (cum tamen Lunâ existente in Capricorno, parum admodum de his lacubus appareat) at circa Austrum, pars Lunæ haud exigua iterum absconditur. Hæc se non aliter habere, in sequentibus affatim, tam ex meis ipsis, quàm Præclarissimorum Virorum Gassendi & Bullialdi observationibus, in nuperâ editâ Astronomiâ Philolaicâ, annotatis, demonstrabitur; quo Lectorem rejicio.

Ut verò Luna singulis Mensibus signa duodecim Cœlestia motu proprio percurrit, ita & hic motus Librationis Disci, menstruo spatio absolvitur; quatuordecim circiter dies, usquequo in Signis Descendentibus commoratur, retrorsum libratur contra seriem signorum, ab Austro Corum versùs & partem superiorem: rursus, per quatuordecim circiter dies, quum Luna in Signis Ascendentibus subsistit, antrorsum fertur, secundùm Eclipticæ ductum à Coro Euroaustum versùs, quî motus hoc modo perennat, motumque Longitudinis in omnibus ferè concomitatur, illique planè se se accommodat. Quod si Luna non simul motui Latitudinis esset subjecta, sed perpetuò secundùm Longitudinem in Eclipticâ circumageretur, facile & hic motus Libratorius intelligeretur: quia verò Luna, ratione motus Latitudinis, modò Boream, modò Austrum versùs exspatiatur, Nodosque variat; similiter accidit, ut hic motus Librationis, eadem ratione, indies varietur, instar motus Longitudinis & Latitudinis; adeò ut singulis Mensibus diversimodè observetur, & rarissimè, ac non nisi post multos elapsos annos, in simili constitutione spectetur; sicuti paulò post plura hac de re percipies.

Cæterùm, quemadmodum Luna, propter motum Latitudinis, tam per aliquot gradus Aquilonem versùs, supra Eclipticam ascendit, quàm Austrum versùs, infra Eclipticam descendit; ita fit, ut & motus Libratorius, modò Boream versùs, modò

*Periodus Librationis singulis Mensibus absolvitur.*

*Libratio intricatior redditur, ratione motus Latitudinis.*

*Diversa Luna Latitudo, Librationem mutat.*



modò Austrum versùs vergat : hoc est, interstitium Libratorium, inter utrumque limbum interjacens, licet satis sit amplum, Lunâ existente in Cancro; nihilominus illud, pro latitudinis Borealis vel Australis ratione, adhuc magis dilatari aut comprimi potest. Et quamvis Luna subsistat in Capricorno, circulus sive limbus Librationis Capricorni, nihilo secius tamen mutatur atque extenditur, sive interiorem, sive exterioriorem partem versùs, pro diversâ Latitudine Lunæ; uti memini. Quæ quidem variatio Librationis non solum in Cancro & Capricorno existit; sed in reliquis omnibus Zodiaci Signis : unde etiam fit, ut centrum Disci Lunaris visibile, singulis Mensibus, diebus, imò horis, notabiliter ac manifestè varietur, ac moveatur; uti præsertim ex Tabulâ Phasium Generali, & Delineatione primariâ, ut & reliquis omnibus Lunationibus videre licet. In quibus viginti & unum puncta, seu octodecim spatia, circa centrum animadvertuntur, quæ diversam Centri Lunaris variationem indicant : Puncta scilicet illa tria superiora, in unâ rectâ constituta, monstrant centrum, Lunâ in principio Cancri commorante : Punctum sinistrum ortum versùs, est centrum genuinum, cum Luna in primo gradu Cancri, & Limite Austrino, vel maximâ Latitudine Australi subsistit : Punctum dextrum est, centrum Lunæ, cum versatur in eodem signo & gradu, sed latitudine Boreali : Punctum intermedium, est locus centri, Lunâ, circa Nodos, in prædicto signo graduque existente. Reliqua tria sequentia puncta, pariter verum Disci centrum, in utraque Latitudine, Lunâ versante in Leone & Geminis indicant. Tertia linea, Luna quando moratur in Virgine & Tauro. Media, existente Lunâ in principio Libræ & Arietis. Quinta, Luna cum est in Virgine & Piscibus. Sexta, cum ad initium Sagittarii & Aquarii pervenit. Infima, in ordine & ultima, Lunâ subsistente in Capricorno, centrum suum nobis exhibet : hac tamen lege, uti jam antea dictum; puncta illa septem sinistra, Australem Latitudinem denotant, & dextra, Borealem; media verò linea, quando Luna in Eclipticâ, hoc est, circa Nodos versatur. Verùm hoc jam jam clariùs reddetur, adminiculo scilicet figuræ sequentis, in quâ

*Quid Puncta  
illa circa cẽ-  
trum Tabula  
Phasium ge-  
nerali, deno-  
tent?*



puncta illa Signorum & Limitum, in majori distantia repræsentantur; sicque faciliè, motus centri Lunæ fiet manifestior.

In sequente schemate, Linea sinistra a d, repræsentat Limitem Austrinum, vel Latitudinem maximam Meridionalem, in lineâ longitudinis; altera opposita parallela dextra b f, Limitem Boreum, sive maximam latitudinem Septentrionalem; intermedia c e, Eclipticam seu lineam Nodorum, in quâ Nodi, in perpetuum moventur. Hæ tres lineæ, in sex interstitia, sive in septem lineas transversas, sunt distinctæ, quæ duodecim signa Cœlestia referunt, simulque Lunæ latitudinem ab utraque parte Eclipticæ. Exempli gratiâ: Linea superior a b, est latitudinis linea Cancræ; proximè subsequens, linea latitudinis Leonis; tertia Virginis, quarta Libræ; quinta Scorpii; sexta Sagittarii; & ultima Capricorni; lineæ nimirum Signorum descendentium. Reliqua sex Signa Ascendentia, veluti Aquarius, Pisces, Taurus, Gemini & Cancer, pariè modo in diagrammate iterum ascendunt.


*Motus Centri  
Disci explicatur.*

Porro, si Luna perpetuò cursum suum perficeret, aut in Eclipticâ, Limite Austrino, aut Limite Boreo, in lineis scilicet Eclipticæ parallelis; tum & centrum Lunæ, tantummodo in hisce tribus lineis c e, a d, vel b f, similiter moveretur: à Cancro descendendo usque ad Capricornum, & rursus à Capricorno pariter ascendendo, usque ad Cancrum: hinc non solum motus Lunaris, esset simplicior; sed & ejus centri. Cum verò, uti constat ex præcedente capite, latitudo Lunæ quotidie maximè variet singulisque diebus diversè se habeat; (jam enim Luna circa nodos, hoc est in Eclipticâ versatur, jam unius vel alterius gradus latitudinem acquirit, jam maximam, quæ quinque gradus excedit, tam Austrum versus, quàm Aquilonem, jam latitudo ejus iterum decrescit) eò fit, ut linea longitudinis centri Lunaris, continuè Eclipticæ non possit esse parallela; sed necesse est, ut constituat cum hac certum angulum, illamque certo tempore intersecet, non quidem semper in uno eodemque loco, ut rectè ex motu Lunæ colligitur, sed in punctis diversis. Quamobrem Libratio centri Disci Lunaris, similem acquirit motum, prout ex figurâ subsequente, res fiet

H h



fiet manifestior. Atque ut id tantò meliùs comprehenderetur, idcirco adhuc plures lineas transversas in eodem schemate duxi, motum illum Menstruum mixtum, ex motu longitudinis & latitudinis ortum, com-



monstrantes; non tamen in omnibus & singulis gradibus longitudinis & latitudinis, verùm duntaxat in Signorum principiis, maximamque & minimam variationem, seu mutationem latitudinis, centri Lunæ indicantes: namque quæ singulos gradus eam rem exprimere, in ejusmodi exiguo diagrammate, est utiq; impossibile, aut certè magnam confusionem linearum hæc res pareret.

Sciendum igitur est, quòd principales lineæ reliquarum transversarum sunt a f, & b d, quæ se invicem, & simul lineam Nodorum, seu Eclipticam, in puncto g interfecant. Quando itaque Luna in Limite Austrino & Cancro versatur (exempli gratià in a) tunc centrum

ejus in hac lineâ descendendo, secundùm seriem signorum, per g Nodum, Capricornum versùs nimirum f libratur, ubi rursus maximam Septentrionalem latitudinem acquirit. Sic quoque, si Luna in b Cancro & Limite Boreo sit constituta, tum centrum ejus iterum descendendo per g movetur, ad Capricornum & Limitem Austrinum d: contrarium accidit, cum ex f & d ascendit.

Qui-



Quibus duabus ductis lineis, se invicem interfecantibus, ex omnibus signorum initiis, aliæ sunt ductæ parallelæ, omnes & singulas reliquas variationes, motumque centri ostendentes, in quibuscunque etiam signis, Limites vel Nodi versentur. Exempli gratiâ: Luna si sit in Leone, & quidem in Limite Australi, tunc, eodem temporis puncto, centrum est in h, hincque movetur in signorum consequentia, per signa, Virginis, Libræ, Scorpii &c. in lineâ h i k; sic ut lineâ Nodorum, sive veriùs Ecliptica, tum temporis, non in g (ut quidem antea, Limite in Cancro constituto) sed in i, interfecetur; nec ad f lineam Capricorni redit, ut in priore Lunæ constitutione, sed in k incidit: hinc verò iterum sursum ad l tendit, quo loco lineâ hæc motus centri, Limitem centri Lunæ Boreum tangit. Vnde colligitur, maximam Lunæ latitudinem borealem, hoc tempore versari in Aquario; postmodum ab hoc puncto contactus, in lineâ l, m, n, se iterum dextrorsum, partem superiorem versus, ad h, convertere. Nodus autem oppositus in hoc itinere fuit in m, intersectione nempe hujus lineæ & Eclipticæ, uti jam antea memoratum.

Quod si verò Luna sit in Tauro, & quidem in maximâ Australi latitudine, tum centrum ejus existit in o, indeque sursum, secundum ordinem signorum t versus fertur; deinde verò ad s, Nodum nempe in Leone subsistentem, se convertit: hincque iterum Scorpionem r versus, in quo loco Limitem borealem assequitur, & sic ulterius, q & p Nodum oppositum versus, in Aquario hærentem, donec denuo ad locum antea possessum ferè redeat. Ferè inquam ad locum, unde antea decesserat, quod bene notetur; quippe centrum Lunæ nunquam, si rem attentè consideres, post menstruum absolutum cursum, ad illum priorem locum, unde se se moverat, reverti potest. Nodi namque interim simul moventur in signorum antecedentia: quo fit ut lineâ centri itineris, paululum retroagatur, nulloque tempore, Limites suos, eo in loco assequi iterum valeat, ubi Mense præterito eos habuit. Quæ quidem anticipatio vel retrocessio, in figurâ antecedenti, minime exprimi potuit: sed id etiam non magnopere interest, ut tam exigua hoc in negotio observentur. H h 2 De



De reliquo; Lunâ in Ariete, Limiteque boreali existente, centrum ejus in u invenies, indeque c Cancrum Nodumque versûs movetur, postea ad vv Libram, maximamque latitudinem Australem tendit; denique per e Nodum rursus ad priorem circiter locum k, unde digressum fuerat revertitur, sicque deinceps.

Ex quibus utique satis superque apparet, verum locum centri, ejusque lineam itineris, quovis tempore, in omnibus Lunæ Iconisimis (Limites, vel Nodi, in quibuscunque etiam versentur signis) citra errorem, adminiculo hujus figuræ, facile innotescere: eâ expressâ conditione, dummodo quod plane necessarium est, longitudo & latitudo Lunæ, prius fuerit explorata. Insuper ex superiori schemate, videre quoque licet, quomodo centrum Lunæ visibile, in admirabili sanè lineâ circumducatur, in circumferentiâ scilicet Rhomboidis; quæ tamen non perpetuò, unam eandemque retinet formam; sed illam cum motu proprio, singulis Mensibus variat: modò enim Rhomboides illa diducitur, modò coarctatur, prout Limites Lunæ, diversum Zodiaci signum, vel gradum obtinent. Estque hæc nunquam latior, quàm cum Limites in Ariete, vel Librà commorantur: nam ex Rhomboide, tum Rhombus constituitur, schemate attestante. Præterea, quò Limites, punctis æquinoctialibus viciniore, eò amplior existit Rhomboides; quò verò propinquiores punctis Solstitialibus, eò arctior evadit, usque dum in Cancro nimirum & Capricorno hæc plane evanescat, inque rectam lineam transeat. Hinc verò indubitatè sequitur; quia centrum Lunæ Disci, nullo tempore in lineis Eclipticæ parallelis movetur, veluti motus Lunæ proprius; eò & Polos Librationis nunquam in eodem semper Periphæriæ locò hæerere, verùm quòd ratione Librationis centri, & longitudinis, ac latitudinis, Lunæ ad Eclipticam relatæ, modò ascendant, modò descendant.

Cæterùm, monstrare quoque placet, quâ viâ, verus centri locus, in quocunque Lunæ positu, explorandus; quanquam singuli gradus longitudinis & latitudinis, in hac figurâ non sint expressi. Exempli gratiâ, si scire desideras, ad certum  
tempus,



tempus, genuinum Peripheriæ, sive centri disci locum, Lunâ in decimo gradu Leonis, tertioque gradu latitudinis Australis constituta, sic age: initiò, divide signum Leonis, simpliciter ad oculi mensuram (nam accuratiori operâ, hic minime opus) in tres partes æquales, secundùm longitudinem, & in quinque; secundùm latitudinem, ab Eclipticâ numerando, sic, ut quodlibet spatium, unum latitudinis gradum referat; quo facto, pedem circini, in punctum latitudini & longitudini respondens, fige, veluti hic in x, ex quo, tanquam genuino centri loco, veram Lunæ Peripheriam, nullo negotio, certo ac desiderato tempore competentem, describes. Id quod equidem in omnibus Iconismis, in quibus centra sunt annotata, pariter observari poterit, præsertim ab illo, qui huic rei, cum industriâ & circumspèctione attentioneque, est deditus. Hoc verò inprimis scire magnopere interest; absque quâ notitiâ, nec Phases Lunares rectè observari, delinearique, nec ullæ unquam Lunationes, vel observationes Eclipsium &c. institui possunt: nam nisi prius debitam in primariâ figurâ Peripheriam delineaveris, in arenâ ædificabis, ut impostèrum fusiùs dicetur.

Postquam igitur, motus centri Lunæ, illiusque Librationis, quadantenus fuit explicatus; vix inconvenienter quereres modò, quanta revera sit pars illa quæ mediante hoc motu Librationis, de Lunæ hemisphærio latente, nobis obvertatur; & illa, quæ de hemisphærio patente, certo tempore, ab oculis nostris avertatur? Ex tribus præcedentibus Pleniluniis ex parte illa pars satis cognoscitur; quia spatium illud inter utrumque limbum interjacens, est id quod quæritur. Namque primus limbus horizontalis speciem refert Lunæ, in Cancro & Limite Austrino; secundus, faciem Lunæ in Capricorno & Limite boreali constitutæ, in quo situ, extremi termini Librationis & maxima Lunæ variatio existit: quæ quanta autem sit accurate loquendo, in proportione ad diametrum in minutis, vel miliaribus Germanicis, jam detegam. Circa nonagesimum ferme gradum ab utroque Polo Lunæ distantem, quo loco, Libratio omnium maxima, prope Montes Sarmaticos; rursum inque Australi parte prope Lacum meridionalem, hæc Lunæ

*Quantumre-  
vera sit spa-  
tium Libra-  
tionis?*



variatio ad unum minutum, & quadraginta quinque circiter secunda se se extendit; si diametrum Lunæ scilicet triginta minuta, hoc est, triginta penè milliaria Germanica, qualium tota diameter, est circiter quingenta, æquare statuas. Circa verò Paludem Mæotidem, Libratio non est tanta, nec unquam fieri potest; quia Polus ab illo loco, non adeò distat: quapropter Libratio illic ad unum tantum minutum; hoc est, quindecim milliaria germanica se se dilatat.

*Verum inter-*  
*stitium Li-*  
*brationis, ap-*  
*parente ma-*  
*jus.*

Rem tamen si penitiùs introspicias, interstitium hoc Libratorium longè majus ampliusque existit, quàm prout nobis appareat: omnibus & singulis observationibus id evincitur. Idque non solummodo ex Quadraturarum variatione; sed & ex reliquis Phasibus, præsertim falcatis & corniculatis, manifestissimè recteque judicatur. Quandoquidem enim circa primum luminis incrementum, interstitia diurna luminosa, admodum sunt contracta; circa quadraturam verò omnium sunt maximè extensa, cum tamen reapse si omnia bene consideres, Luna singulis diebus & horis, æqualem luminis portunculam à Sole hauriat; namque ab illo recedendo, in æqualibus temporibus, ferè æqualia conficit spatia. Quòd autem Phases, non simili proportione, nobis crescere aut decrescere videantur, tum ex rotunditate Lunæ proficiscitur, tum quòd Phases recentes, per angulum obliquiorem, spectari oporteat. Ita que Luna quoad verum, non autem apparentem aspectum, 60. minimum milliar. Germ. circumvolvitur, unam quidem seu alteram partem versùs; quemadmodum suo loco plenius diducetur. Nobis verò, parte dimidiâ ferè minus, spatium istud apparere, non aliunde oritur, quàm, quòd hanc Librationem Plenilunii tempore, solummodo ex apparentiâ, exque partibus Peripheriæ vicinissimis æstimare valeamus; ideoque verò cum ejusmodi pârtes, radiis obliquioribus percipiuntur, quàm illæ, quæ rectiùs circa medium opponuntur, Libratio hæc (circa limbum tantummodo spectabilis) necessariò minor arctiorque à nobis animadvertitur, quàm, si circa Lunæ medium observaretur: cum tamen hæc interstitia ad invicem collata, reapse inter se prorsus sunt æqualia, teste Francisco Aguil-



guilonio, lib. vi. prop. 12. Optic. inquit: *Linearis projecturae partes, quæ ab æqualibus circuli peripheriis proveniunt, minimè inter se æquales, sed minores semper illæ, quæ longius à medio absunt: nam remotiores à centro radii obliquioribus angulis circuli peripheriam interfecant, quare minore intervallo ab invicem distant: sunt igitur prope extremitates minores, æqualium peripheriarum projecturae.* Hæc ita adhuc apertius declarari possunt graphicè.

Esto semicirculus  $d A d$  hemisphærium Lunæ visibile, in sex partes æquales divisum, sic ut partes  $a b$ ,  $b c$ , &  $c d$ , omnino sint ejusdem magnitudinis.  $E$  verò, statio sit oculi mei, ex quâ Lunam intueor. Dico igitur, etiam si partes illæ, planè inter se sint æquales, nihilo tamen minus unam, alterâ parte, majorem apparere; quæ magnitudo eò magis crescit, quanto hoc spatium remotius distat à limbo  $d$ , viciniorque sit lineæ perpendiculari  $a E$ , quod ex figurâ appositâ fit manifestum. Nam pars  $A b$ , major est parte  $b c$ , & hæc iterum amplior, quàm  $c d$ , quia obliquius, ut jam memini, spectatur; idcirco & angulus visionis  $d E c$  multò minor, angulo  $A E b$  existit; id quod Kepplerus abundè in Paralipom. in Vitell. pag. 184. demonstravit, qui inter cætera ait: *cùm ab æqualibus circuli arcibus rectæ ducuntur ad punctum extra circum-*



Aut. Sc.

*rectæ ducuntur ad punctum extra circum-*

*lum, inæquales sunt anguli ad punctum, ab æqualibus arcibus subtenfi, & majores, quorum arcus sunt diametro per punctum viciniore.*

Ex quo fundamento, Libratio Lunæ ad Peripheriam 30 summum milliaria nobis videtur, tam in superiore, quàm inferiore parte; cùm tamen circa centrum illa ipsa minimùm sexaginta æquet: sicuti apertè & perspicuè Quadraturarum confinia imposterum testabuntur. Hac occasione, fortassis quidam ex me percon-



*De centro-  
rum Libra-  
tionis loco, &  
cur aliter cõ-  
stitui mini-  
mè potue-  
rint?*

percontetur, præsertim ille, qui hoc negotium probè secum perpenderit, & animo mentèque volverit, non autem pertransennam solummodo aspexerit: quare utrumque extremum Lunæ centrum in Pleniluniis præcedentibus exhibitis (alterum, Lunâ nimirum in Cancro, & limite Austrino constitutâ, alterum, in Capricorno, & limite boreo versante) non magis ab invicem distent, quàm maxima variatio librationis in Septentrione, & Austro, circa Peripheriam; quandoquidem vi demonstrationis prioris, ut & ratione nostræ sententiæ, necessario sequitur, ut sanè duplo sit major centrorum distantia, tam secundùm longitudinem, quàm latitudinem, aliamque prorsus figuram, centra illa constituent? Hæc verò ita se se habere ego minimè diffiteor; sed centra secundùm jam dictam proportionem, in Lunâ revera existentem, non fuisse annotata atque exhibita, id non nisi ex certis prægnantibus, & urgentibus rationibus factum. Siquidem vera Lunæ facies, cum omnibus Oceanis, Insulis, & Montibus, non in tali proportione & formâ exprimitur, in Iconismis Lunaribus, uti ipsa Luna existit, si illum cominus aspicere, vel potius in eâ versari liceret; sed prout tantùm eminus à Terrâ, videtur, sicq; rerum illarum figurâ, distantia & proportio, secundùm apparentiam se se unice offert: quod tantùm modò expetere attinet: si aliter enim Lunæ facies esset expressa; observationibus, propositoque nostro, minimè foret utilis & accommodata. Nam, eo loco quod Plenilunii Facies hoc modo jam est adumbrata, sic planè tunc aliter, illam delineare oportuisset; ipsaq; omnia ad Peripheriam sita loca, quæ sunt; Palus Mæotis, Lacus hyperborei, Palus Maræotis, Insula major Caspii, &c. ita longè majora & ampliora, secundùm distantiam à centro, extitissent, figuramque omnino variaissent, propter ante memoratas rationes, ob rotunditatem putà Lunæ, & quòd partes Peripheriæ viciniore sub minori angulo spectentur.

Nobis autem, cum in Selenographicis hisce delineationibus, visibilis Lunæ faciei ratio tantummodo habeatur, quomodo videlicet illa in æthere, aspiciendam se se exhibeat, variatq; (quod hîc attendisse sufficit) ita & motum librationis tantùm,



in omnibus phasibus apparentem, repræsentare & adumbrare placuit. Nec profectò centra nullo alio ordine, ullâve aliâ formâ apponenda fuerunt, ne non omnibus temporibus, genuina Lunæ Peripheria visibilis respondens, horum scilicet centrum beneficio, rectè ob oculos statueretur. Cur autem sectiones luminis & umbræ Quadraturarum, per hæc centra perpetuò non transeant, ut quidem jure deberent; ideo fit, quòd Maculæ tam majores, quàm minores, ratione librationis & distantia à centro vel peripheriâ, se se paulatim, & semper magis magisque dilatent, quo centro viciniore ferantur; ac plus plusq; se se comprimant (secundùm apparentiam inquam) quò peripheriæ, per motum librationis viciniore reddantur. Quod ut ut difficulter admodum è vestigio percipietur; tamen hac vice, pluribus persequi hoc negotium non permittitur; planè id eò rejiciendum existimo, ubi datâ operâ de Quadraturarum terminis, quantum sufficiat, agetur.

Quemadmodum igitur, motus librationis Lunæque centri, prout audivimus, mirum in modum, secundùm Lunæ motum, in suâ orbitâ variat: sic quoq; cum circa Plenilunia, tum Quadraturas, omnesque reliquas phases, varias admirabilesque gignit vicissitudines; adeò ut vix longo temporis intervallo elapso, vel phasis aliqua, vel Plenilunium, alteri ab omni parte simile, redire possit. Faciamus enim esse, ut absoluto anni curriculo, priori similis phasis quoad longitudinem Zodiaci, rationeque temporis ejusdem, contingat; attamen perrarò admodum evenit, ut pariter illa in simili latitudine observetur: ideoq; fit, ut Plenilunium seu phasis aliqua confestim aliam acquirat faciem; estq; Luna modò supra, modò infra, modò Eoum, modò Zephyrum versùs amplior vel arctior, sicuti ex motu libratorio haud difficulter colligitur. Similibus variationibus, & Quadraturæ perpetuò sunt obnoxie, quæcunq; in anno existunt; unde etiam consequitur, ut rarenter, similis quædam sit conspicua, neque eò solùm, quòd ratione librationis, aut in parte superiori, aut inferiori, vel in utroque latere, crescat vel decreascat; sed quòd inprimis sectiones luminis & umbræ, Lunam tempore Quadraturæ, mirificè interfecent: dum sectio illumi-

*Rarissime si-  
milis obser-  
vatur phasis.*

*Et Quadra-  
tura admo-  
dum variant*



*Quadraturarum consuetudine, stato tempore reciprocantur.*

*Totas Lunationes, peculiari modo observavit Auctor.*

nationis modò magis ortum, modò occasum versùs se se extendit, modoque Luna ratione Iconismi bifariam secatur. Interim tamen, hæc variatio & vicissitudo, certos suos terminos respicit, tempusque, intra quod hæc omnia absolvuntur. Sicuti enim Quadraturæ, per primum semestre spatium, in signis comorantur ascendentibus, & per alterum semestre, reliqua signa descendencia peragrant: (siquidem Quadraturæ singulis mensibus, in alio atque alio signo, in consequentia, devolvuntur) simili ratione, progrediuntur sectiones Quadraturarum, à mense Martio numerando (quando circa æquinoctium in Cancro contingunt) ab occasu in ortum, secundùm signorum sequelam, quoad Septembrem circiter, quum Quadra in Capricorno oritur; eo enim tempore, hæc sectiones, iterum simili modo recurrunt, ad Martium usque. Quod aliter huc usque non evenerit, per innumeras observationes, certissimè sum edoctus, quarum non paucas Astronomiæ Cultorum oculis, hoc in tractatu simul subjicere placuit, quò scilicet eò meliùs, quilibet omnia percipere ac intelligere, motusque librationis sive reciprocationis, magis stabiliri possit. Idcirco verò constitui, sex delineatis Quadraturis, decimâ nimirum, undecimâ, 12. 30. 31. & 32. figur. maximam variationem representantibus, simul diversas integras Lunationes, summâ diligentia, intra menstruum spatium observatas, publici facere juris; ut ex iis tam admirabiles illæ progressiones, & retrogressiones menstruæ, Sectionum Quadraturarum, in quibuscunq̃ue propemodum signis existentes, ipso oculi sensu comprehendantur; itemque non Motus tantùm variationis, sive librationis cuspidum (de quo plenè infrâ capite 18. agetur) sed & omnium ipsarum phasium mutatio & vicissitudo, motusque reciprocationis centri, per integrum penè anni curriculum animadversus: minime dubitans, quin in Cœlo probè perspecta & fundata esse omnia, quæ retuli ac proposui, quilibet (dummodo longitudinis latitudinis, Nodorumque Lunæ omni tempore habeatur ratio) sit deprehensurus.

Quem singulas phases, seu potiùs sectiones luminis & umbræ, menstruo spatio, quotidie recurrentes, delineationis aliqujus



cujus primariæ & correctæ, huic operi destinatæ adminiculo institutum, observandi modum, multum utilitatis allaturum, summeque esse necessarium judico; & non solum quidem ad diversas phasium vicissitudines, ut judicavi, explorandas; sed etiam ad rectè investigandum hoc unico medio (si hoc negotium tantum sedulo continuetur) motum librationis longitudinis, latitudinis, ac cuspidum, sicut & reliqua circa Lunam occurrentia phænomena, arcuumque diurnorum differentias cognoscendas. Ipse ego nisi hac arte usus fuisset, vix leviter, in tam brevi in hanc rem impenso temporis spatio, Selenographiam affectam dare potuissem: nullusque dubito, si ejusmodi observationes ab aliis continuentur, forsan adhuc majora inventum iri; certè illos minimùm, qui de certitudine motus librationis, vel phasium variationum sive mutationum, indeque pendentibus, adhuc quodammodo ambigunt, hac de re certiores futuros, cognito, quòd omnia, quæ hîc à me, primùm sunt prolata, solido niti fundamento, nec quicquam fictitii tradi. Quâ autem viâ, ejusmodi Lunationum observationes, rectè & commodè institui debeant, cap. 44. docebitur: in quem locum, & figura generalis, sive primaria ad Lunationes, & alias observationes accommodata, cumque omnibus observationibus necessariis, reservatur. Quod verò pleniorum attinet demonstrationem, terminorum in Quadraturis, ut & motus librationis cuspidum, nec non sufficientem expositionem, de Quadraturis ipsis, in descriptionem Iconismorum hæc reservabimus: quandoquidem omnia & singula, hoc loco simul explicari, demonstrarique haud potuerunt.

Nominibus itaque Maculas convenienter affectis, motuque Librationis, pro instituti nostri ratione, satis, quantum arbitror, enodato atque explicato; iterum dicere quædam aggredior, de Plenilunii delineatione, Macularum genuino comensu proportionis, & constitutionis figurâ, coloribus, mutationibus, proprietatibus, Tabulâ Selenographicâ ipsâ, rebusque huc spectantibus. Nam licet Lector harum rerum cupidus, sine manu ductore, ex Tabulâ majori Ichnographicâ Plenilunii delineationem exhibente, quodammodo Macularum, hoc

*Ha observationes plurimum Selenographia ac Astronomia conferunt.*



est Marium, Lacuum, Sinuum, Montium ac Vallium, cæterarumque rerum in Lunæ facie occurrentium, proportionem & symmetriam, summâ curâ & diligentia à me adumbratam, oculis assequi possit: nullo tamen adhuc modo ex præcedentibus mente assequetur, non monitus, quo adminiculo accuratam illam Macularum proportionem, & dispositionem observare mihi licuerit. Qui, nisi totus fallor, forsitan cogitaturus est, vix esse possibile, ut hanc proportionem, definire quiverim: in animum indueto, me solummodo, Tubi beneficio, oculorumque mensurâ, & simplici inspectione has observationes peregisse: quâ viâ utpote admodum lubricâ, facilè decipi fallique, in phasium delineationibus quispiam possit; ut evidenter & apertè, ex rebus continuè oculis obversantibus, colligere licet. Id quod equidem non diffiteor, maximam esse difficultatem, simplici oculorum dimensione, per Telescopium, debitam & veram formam, proportionemque alicujus objecti in chartam conjicere, quod ipse ego initiò observationum mearum satis superque deprehendi. Eapropter aliam planè eamque tutiorem viam ineundam esse dispexi, quò de oculi mei mensurâ mihi certò constaret, & rebus omnibus bene examinatis, phases omnes, modo infallibili constitutas, ita suppeditarem, ut omnibus, quorum interest, demonstrari posset, eas rectè delineatas, ut jure nemo repugnare habeat. Sic igitur rem istam sum aggressus.

*Quo modo infallibili, proportio Macularum, accuratissime investigari possit?*

Primò; circa observationes & delineationes Macularum, summâ diligentia atque industriâ attendi, beneque notavi, quænam loca eadem rectâ lineâ sita essent; quorum primâ statim fronte, ingens numerus se se detexit, quæ cum tribus, quatuor vel quinque aliis præclaris locis, in simili constitutione deprehenduntur. E. g. ut aliquorum solum mentionem faciam, quò res eò meliùs percipiatur. 1. In eadem rectâ conspiciuntur Mons Ætna, Insula Besbicus, Insula Cyanea, littusque boreum Paludis Mæotidis. 2. Mons Sinai, Mons Didymus, ac Insula Macra. 3. Sinus Maris Pamphili, Mons Mefogys, Mons Argentarius, & Lacus niger minor. 4. Mons Porphyrites, Insula Corsica & Insula Macra, pars Australis Insulæ Sardi-

*Quenam Macule in lineâ rectâ sint sita?*



Sardinia, & pes Montis Argentarii : quorum loca adhuc plura dantur, quæ simili modo, in rectâ lineâ procedunt, ut paulò post commemorabo. Quod quidem optimum est auxilium, Maculas quascunq̃ exactè ordinandi; sed tamen nondum id prorsus sufficit : siquidem hâc viâ, nullæ adhuc Maculæ, quæ loco fundamenti inservire debeant, in vero atq̃e genuino suo loco, constitui possunt. Idcirco rem sic conficere sum aggressus, ut morem Geographis usitatum sequeretur, quum Tabulam Geographicam delineare, & construere tentant : qui in primis, si non omnium locorum, tamen minimùm præcipuorum longitudes & latitudes explorant, quo factò, res redditur perfacilis; quippe si tantummodo sub normali intersectione, lineæ longitudinis & latitudinis, loca illa constituentur, verus & naturalis situs istorum est inventus : sicq̃e deinceps cum reliquis, quorum longitudo & latitudo innotuit, pergendum. Similem igitur ferè rationem cum Lunæ investigandis oris tenui; quamvis enim (ut haud ægrè intelligis) locorum Lunæ longitudes ac latitudes, non eo penitus modo, quo Geographis, ex cognitâ viarum intercapedine licet, indagari possint, eò quòd in Lunâ non pedibus ad ea, sed oculis duntaxat pateat aditus : nihilo tamen minùs sicut in Geographiâ alii adhuc dantur modi explorandi distantias locorum, quæ adiri nequeunt : ita in Selenographiâ quoq̃e non absimiles sunt viæ, quibus non adeò multo negotio Macularum Lunarium situs, & distantia cognosci queunt, quemadmodum nunc exponam.

Initiò, sedulò investigavi, quænam Lunæ loca intersectioni cuidam, duarum vel trium certarum linearum, subjaceant; sicuti inter reliqua, Insula Besbicus Propontidis notatur, quæ non solùm, prout jam memini, cum Monte Ætnâ, Insulâ Cyanæâ, & Promontorio Arietis, ipsam rectam constituit; sed & pariter cum Insulâ Corficâ, Monteque Herculis aliam rectam, & vicissim cum Insulâ Macrâ, & extremâ cuspide Sinus Strymonici, tertiam; adeò, ut planè sub trium linearum se se intersectantium puncto, hæc Insula sit sita. Similiter cum Insulâ hæc Besbicus in schemate meo Lunari sub eâdem intersectione



trium dictarum linearum jaceat, perfectissima atque infallibilis est nota, hanc in debito & justo loco collocatam esse, nec non reliquas prædictas oras, rectè constitutas : quod si tamen error quidam inter delineandum irrepsit, illi haud magno labore hac ratione præveniri poterit.

Secundò; Montem quoque Didymum Asiæ, sub tali intersectione duarum linearum deprehendi : hoc est, tam cum extremâ cuspide Sinus Strymonici, Monte Sipylo, & Lacu Thospide, in eadem reperi rectâ, quàm cum Insulâ Macrà, & Monte Sinai. Cujus generis loca, in Lunâ hoc modo se se habentia, adhuc quamplurima dantur, quibus tamen recensendis lubens supersedeo, ne longum faciam : sufficit enim indicasse, quam semitam triverim, ut Lunæ oras accuratè proprièque in Iconismis meis collocare, unamq; alteri Maculæ adstringere, erroresque subinde irrepentes corrigere, mihi licuerit. Cujus negotii ad finem rectiùs perducendi causâ, omnia loca eodem modo jacentia, quæ unquam reperire potuerim, in auxilium adhibui : quæ verò aliter essent sita, aut per rectas lineas, vel accuratâ oculi mensurâ, ad priora cognita & rectè constituta, annexi.

Tertiò, si duæ, tres, vel plures lineæ, in uno puncto in Lunâ concurrant, & id æque in phasibus delineatis appareat, certissimum quoque & infallibile est indicium, loca illa rectè esse ordinata : quorum utique locorum itidem haud exiguus reperitur numerus, talem omnino obtinentia situm, ut sunt inter alia; Insula Macra, Mons Ætna, Mons Sinai &c.

*Alia ratio,  
Lunæ locorū  
distantias, di-  
metiendi.*

Quartò, singulare insuper compendium reperi, ad hæc omnia eò feliciùs, & accuratiùs promovenda : quo quasi instrumento, diversorum Lunæ locorum distantias non possumus non dimetiri, indagare atque dijudicare; non quidem Radio Astronomico, Astrolabio, Sextante, & hujus generis aliis organis; sed solummodo probo Telescopio rectèque adornato; & id in modum sequentem : cum Tubi omnes ut ut prælongi & præstantes, nunquam totam Lunæ dimetientem, unâ vice comprehendant; sed quò fortiores & præclariores, eò minorem Lunæ particulam nobis exhibeant : idcirco diligentissimè  
confi-



consideravi, illa Lunæ loca, quæ sub eâdem Tubi aperturâ essent sita, tanquam ejusmodi, quæ æqualiter ab invicem removebantur, & prorsus distantia essent similia. Postmodum exploravi, num etiam meæ delineatæ figuræ, eandem præ se ferrent speciem? Quo quidem modo, per diversas Tubi apertiones, plures observationes institui; eo facto, phases meas delineare, delineatas corrigere, correctasque examinare potui; sic ut jam amplius nullus, de illarum verâ symmetriâ, dubitationi detur locus.

Ut autem Astronomiæ Cultoribus, Siderumque observatoribus, etiam clariùs demonstretur, tam Plenilunia à me depicta, quàm omnes reliquas phases in hoc opere exhibitas, accuratissimè esse adumbratas; ipsique simul strictè admodum, beneficio Tubospicilli optimi, secundùm veram figuram primariam, sive Faciem Lunæ nativam ipsam, expendere non nequeant: eapropter & hoc loco (cùm Iconismi Lunares quàm maximè his innitantur columnis) reliqua quoque Lunæ loca recensebo, quæ lineis rectis subjacent; tùm enim quilibet suo Marte, quascunq; figuras delineatas, regulâ quâdam rectâ examinare, & comparisonem instituere, cum Lunâ ipsâ haud difficulter poterit: haud dubiè deprehensurus, me perquam sollicitum accuratumque (absit tamen vana gloria) hoc in negotio fuisse, omnesque vires ac nervos pro virili intendisse, quò minùs nihil quicquam intermitterem, quod huic operi inservire posset. Sed nec exiguum commodum, ad observatores hinc redundabit, quia sic edocti, oblatas sibi phases aliorum, rectè examinare noverint: cùm, si omnia non fuerint sub rectis suis constituta, longè certissimum illis evadet, & vitiosam esse observationem, & in delineatione ejusdem haud parùm esse aberratum.

Præter loca verò illa antè memorata, & hæc sequentia, lineam constituunt rectam. 1. Lacus niger major, Insula Macra, & cuspis Paludis Mæotidis, Corum versùs spectans. 2. Serrorum Mons, Promontorium Lunæ, & Insula Corsica 3. Medium Insulæ Cercinnæ, Mons Ætna, & Archerusia Palus ad Pontum. 4. Cuspis extrema Sinus Strymonici, Mons Sipy-

*Quenam  
Macula lineâ  
constituant  
rectam?*



Sipylus, Mons Didymus, & Lacus Thospidis. 5. Mons Horminius trium superior, M. Olympus, M. Sipylus, Infula Lesbos, Infula Creta, Paludes Arabiæ, & M. Casius. 6. Infula Melos, Infula Rhodus, Mons superior Libanus, M. Antilibanus & Mons Armenius in Plenilunii Ichnographici delineatione spectabilis. 7. Mons Sinai, M. Cataractes & Palus Maræotis. 8. Palus Maræotis, Sinus Syrticus, & M. Ætna. 9. Promont. Apollinis, Promont. Lunæ, & Infula Cyanea &c. quarum tamen adhuc multæ aliæ Maculæ, in Lunâ reperiuntur, quas Astropholus diligens & laboribus assuetus, cuius hæc scire interest, ipsemet investigabit.

*Maria, Paludes, Montes & Valles, differunt ratione coloris.*

Cæterum, ut ad descriptionem Lunæ ipsius redeam, denuo illa repeto, de quibus jam capite sexto commemoravi; magnas nempe Maculas in Plenilunio, & absque Tubo conspicuas, Oceanos esse, locaque illa albicantia magisque splendentia, Montes, Valles & Planities: ex quibus verò de causis, id colligatur, affatim dicto loco explicatum videtur. Paludes quod attinet, non tam nigricantes in Lunâ se se offerunt, quam Maria & Lacus, neque tam luminosæ, quam Montes, Valles, & Planities: ratio est in promptu, quia radios Solis fortius reddere valent, quam Maria; non autem æque benè ac terra Lunæ; propter scilicet opacitatem majorem & minorem. Valles verò in Plenilunio, admodum esse albicantes, atque splendentes, secus autem, Lunâ crescente, vel decrecente; hinc oritur, quòd Sol eo tempore rectà radios suos effundat, sic ut undique ad circumjacentes Montes, radii reflectantur: qui cum, ratione variarum inclinationum, rursus in Vallem transferantur, propterea & majus fortiusque hæc Valles lumen spargant necesse est, quam loca reliqua complanata, minusque scabrosa. At enimvero, quòd Valles, Lunâ crescente, à dextrâ maximè umbrosæ appareant, & decrecente Lunâ, à sinistrâ, potissimum ab umbrâ sublimiorum Montium proficiscitur; qui Solis luci, eo in loco, transitum denegant, ut in Vallem pertingere queat. Quemadmodum ex apposito diagrammate, fit manifestum: in quo A, Solem refert, B, C, D tres sunt Valles, altissimis Montibus circumdatæ: Vallem B, Sol à dextris illustrat,